


Comunidad ta keda invita
pa celebra dia nacional
18 di maart na Museo
Arkeologico

Pag. 5

Diahuebs 12 di Maart 2020 www.bondia.com Email: noticia@bondia.com Tel: 582-7800 Fax: 582-7044 1,75 Florin

WHO ta confirma coronavirus como pandemia



Pagina 14

- **Ciere di frontera prolonga 3 luna mas**

Pagina 31

- **Gobierno lo yuda combati efecto di coronavirus**

Pagina 31

- **WEB a flexibilisa pago di cobranza**

Pagina 2

Islanan chikito no por atende Braemar



Pagina 2



Pagina 7

Pdysa ta bende crudo na
prijs di baca flaco



Pagina 20

Loonstra a gana plata na
Weganan Paralimpico

Capacidad di islanan chikito ta limita

Solucion pa atende cu crucero Braemar no ta na Corsou ni Aruba



ORANJESTAD – Ayera a tuma lugha un conferencia di prensa di Ministerio di Salud Publico, Medio Ambiente y Naturalesa na Corsou tocante e caso di personanan abordo di e barco crucero MS Braemar cu a duna positivo pa coronavirus. Aunke e situacion aki ta tumando lugha na Corsou, e nomber di Aruba a resona durante e conferencia transmiti pa Tele Curaçao.

Epidemiologo Dr. Izzy Ger-

stenbluth, kende ta hefe di departamento di Epidemiologia, a referi na e resultado di e test haci riba e barco, caminda 5 persona a resulta positivo pa Covid-19. Nan a test 7 hende abordo di e crucero cu tin abordo mil pasahero. Tur shete a keda isola, pero e cifra a aumenta pa 9 (6 tripulante y 3 pasahero), caminda e chens cu e lo sigui plama abordo ta grandi.

Dr. Gerstenbluth a bisa cu di e 9 personanan isola, 5 ta confirma positivo, 1 cu ta casi

sigur cu tin'e, y tres mas cu ainda no a wordo confirma, pero cu tin e sintomanan. Mayoria di hendenan abordo nan nacionalidad ta di Filipina, tambe tin di Italia, India, Indonesia, Reino Uni; y di Hulanda tin dos hende abordo so.

Nan a haci e test na e grupo aki, ya cu nan tabata presenta e sintomanan, pero tambe nan tabatin contacto cu e prome hende cu a test positivo cu a wordo isola den e barco, pero ya caba tabatin

contacto cu mas hende cu a bira potencial sospechoso di tin e virus.

Dr. Gerstenbluth a bisa cu tabatin contacto cu su colega di Aruba, mirando cu inicialmente e barco a pidi pa desembarca su hendenan na Aruba, ya cu Barbados cu tabata e puerto cu nan mester a bay. A abstene di ricibi nan pasobra nan no tabatin capacidad pa atende nan. Mirando cu Corsou ta parti di Reino, nan mester meld e situacion aki pa Hulanda, pa asina alerta e otro puertonan cu tin caso positivo di coronavirus, den e ruta cu e crucero Braemar tin. Ademas nan a informa PAHO tambe riba e situacion aki.

Ayera Bon Dia Aruba a purba di tuma contacto cu minister di Salubridad, Dangui Oduber pa haya sa si den cuadro di cooperacion y areglo cu tin den Reino, con Aruba por yuda Corsou, pero te ainda nos no a haya niun reaccion for di e mandatario. Di su banda, Dr. Gerstenbluth a referi cu si nan ta buta tur e hendenan abordo bao cuarentena pa dos siman y monitor nan, ni Aruba ni Corsou, no tin e capacidad pa haci esey.

Ademas si nos tabatin e capacidad, e no ta considera prudente mirando cu te ainda no tin niun caso den e islanan aki, cu nan lo bay atende directamente cu un barco cu

mil hende di afo, caminda tin caso di coronavirus abordo. Algo diferente lo tabata si e malesa ta plama den nos paisnan, ya cu ta bo propio poblacion cu bo tin cu proteha, limita y mitiga e plamamento, y te hasta e ta considera cu nos tin e capacidad ey.

Riba e preocupacion cu e islanan chikito no tin e capacidad pa atende cu hopi hende pareu contagia cu e virus -segun Dr. Gerstenbluth- PAHO a wordo poni na altura di dje den un otro oportunidad. No ta cuestion cu e islanan manera Corsou of Aruba no kier of cu nan ta inhumano, sino cu nos no tin e capacidad, el a bisa. "Nos mester ta realistico den e habilidad cu nos tin pa atende tanto hende pareu," el a bisa. Esaki no ta kita cu nos mester ta parti activo di e buskeda di solucion. El a bisa bon cla cu e solucion no ta ni Corsou ni Aruba; y autoridad internacional sa di dje.

Unabes cu a confirma cu tabatin e virus abordo di e barco crucero Braemar a evalua e diferente alternativa pa atende cu e situacion aki, cu a bira uno internacional, ya cu e hendenan abordo mester di cuida, cuminda, etc. Pero nan no tabatin ainda mucho claridad riba esey, y tampoco for di unda e ayudo lo bini directamente si e hendenan isola mester di e cuida necesario.

Pa clientenan cu no por paga dos cuenta di awa den un luna

WEB a flexibilisa pago di cobransa di cuenta di februari te 31 di mei

ORANJESTAD – E luna aki, clientenan di WEB a haya nan mes cu e cobransa y pago di dos recibo pa e servicio aki. E prome recibo ta e cobransa di luna di januari cu mester pag'e prome cu dia 9 di maart. E di dos recibo di luna di februari su pago ta caduca awe, 12 di maart.

Sinembargo e compania di utilidad a dicidi di bin cu un flexibilidad riba e pago di cobransa di februari. Aunke ta recomendabel pa e cliente pag'e lo mas tempran posibel pa evita acumulacion di pago cu lo resulta mas pisa despues pa nan.

Ta asina cu recientemente e compania a splica via un carta di notificacion of noticia importante – manda via post pa nan clientenan y acompaña cu e recibo di cobransa di e cuenta di awa di februari 2020– cu na luna di november ultimo nan a informa riba e cambio relaciona cu e fecha ultimo di pago, caminda nan ta introduci un fecha nobo, diferente di e fecha fiho custumbra cu tabata dia 9 di cada luna.

E biaha aki e ultimo fecha pa paga e cuenta di februari a bira 12 di maart awor. Y cada cuenta cu lo bini despues ta depende di e dia ariba cual a lesa bo meter di awa den e luna anterior. WEB ta aclaria cu en todo caso, e lo caduca 30 dia despues di a lesa e meter.

E hecho aki a trece diferente reaccion mirando cu tin clientenan pa ken e pago di dos recibo di WEB riba e mesun luna ta cay hopi pisa pa nan. Prome minister Evelyn Wever-Croes, como minister encarga cu asunto general y di utilidad, a yega di declara cu e no a wordo consulta di e cambio aki door di e compania di utilidad WEB pa introduci un fecha nobo di cobransa. El a haya sa di e cambio aki apenas algun dianoan pasa.

Bon Dia Aruba a consulta PR di WEB, Asja Dodger, kende a laga nos sa cu e cobransa ta bayendo bon. Aunke ta hopi prematuro pa bisa algo di e pago, debi cu ainda e luna aki ta coriendo, y no por haci comparacion.

El a indica cu nan clientenan ta reaccionando cu e

informacion ta claro y comprensibel. Sinembargo WEB tin comprension cu e pago di dos recibo e luna aki, debi na e cambio di fecha nobo cu nan kier introduci, por cay dificil pa algun cliente. Ya cu tin cliente cu ta indica cu nan no por paga dos cuenta di awa den un luna.

Dodger a laga sa na e matutino aki cu pa esunnan cu tin dificultad pa paga e di dos cuenta, cu ta caduca na maart relaciona cu e cuenta di consumo di februari, WEB ta informa cu nan tin te 31 di mei 2020 pa pag'e. Esaki sin cu WEB lo cobra boet y sin cu mester aplica pa un areglo di pago.

El a splica cu si paga e cuenta di consumo di februari despues di 31 di mei, si lo cobra boet, lo desconecta e servicio y lo no tin posibilidad di areglo di pago pa e cuenta di consumo di februari. El a laga sa cu no ta recomienda pa tarda cu e pago, door cu na april ta bini e cuenta di consumo di maart, na mei ta bini esun di april, pues e lo keda acumula. Mas informacion nan clientenan por wak video y aviso den corant, pero tambe riba pagina di Facebook di WEB Aruba.

ATIA kier Parlamento asumi responsabilidad y studia efecto negativo di medidanan



ORANJESTAD – Aruba recientemente a conoce medidanan cu Gobierno a presenta na Parlamento como parti di presupuesto, y cu Raad van Advies a adverti lo por pone economia di e isla den peligro.

Manera redaccion di Bon Dia Aruba a publica dia 10 di maart ultimo*, AHATA a duna di conoce cu Aruba ta pasando den un tormenta perfecto pa via di sucesonan cu ta causa un riesgo pa e futuro financiero di e pais.

Di su banda, ATIA a splica cu den cuadro di cambio di ley encuanto reforma fiscal, nan ta teme e consecucionnan grandi cu esaki lo por trece pa economia di Aruba ya cu nan ta enfoca solamente riba un termino corto, tampoco nan ta sostenibel.

Asociacion di Comercio y Industria di Aruba ta afirma cu Gobierno a purba di yega na entrada monetario cu Hulanda ta exige pa cu presupuesto 2020, pero cu aumentando entradanan di impuesto no ta suficiente esfuerso, sino tambe ta necesario pa baha e gastonan di aparato gubernamental.

Ademas, e cambio cu Gobierno ta propone ta haci mas dificil pa un persona of compania por inverti na Aruba, sea local of internacional. Inversionnan ta atractivo solamente si tin un 'return on investment' y ganashi; y cu e cambionan proponi, e condicion pa esey ta bira dificil. Aumento di costo di bida tambe ta afecta e ciudadanonan y turistanan. Comerciantenan local mes ta obliga di aumenta nan prijs, mester corta nan gastonan operacional, tambe por haya nan mes obliga di retira algun trahado of cera porta di negoshi.

ATIA ta afirma ta compronde cu mester drecha e situacion financiero. Sinembargo no por castiga esunnan cu ta trece entrada pa caha di gobierno pa consecuencia di mal

maneho di un gobierno of otro, esunnan mes cu ta cumpli cu nan obligacion fiscal y social. Gobierno ta keda sin actua contra otronan cu no ta cumpli y ta scoge e medida mas facil, cu ta aumenta e entradanan di impuesto.

ATIA semper a boga pa un reforma fiscal integral, cu no solamente ta aumenta impuesto di un banda pero tambe ta duna alivio na otro banda y ta bay man den man cu estimulo di nos economia. Nan a sigura cu semper a menciona den tur carta, den tur reunion y den tur comunicacion via media, cu nan ta dispuesto pa sinta hunto cu gobierno y traha hunto riba un plan integral cu ta resulta den un reforma fiscal responsabel, husto pa comercio y comunidad di Aruba en general.

Nan a manifesta cu carta tras di carta cu recomendacionnan a wordo manda pa gobierno, pero lamentablemente na momento di tuma decisionnan riba e cambionan cu lo implementa, mester ripara cu e recomendacionnan ta wordo ignora, cambia of interpreta di tal manera cu e no ta cuadra mas cu e recomendacion original, ni lo logra e resultado desea. ATIA ta keda boga pa wordo consulta prome cu introduci cambionan asina drastico cu lo tin un impacto riba tur ciudadano di e pais.

Na mesun momento, nan a trece dilanti un factor externo cu mester tene na cuenta tambe cu ta Coronavirus y e efectonan negativo cu esey lo por tin riba economia local cu ta depende di turismo.

Pa finalisa, ATIA a manifesta cu lo manda nan preocupacion y preguntanan pa Parlamento, pa motibo cu nan ta pidi Parlamento asumi su responsabilidad y studia bon e efectonan negativo cu e cambionan proponi den ley fiscal lo por trece pa Aruba su economia y e situacion socio-económico, pa garantisar un futuro sostenibel pa Aruba su comunidad.

Minister Xiomara Maduro:

Mientras tin debe y interes pa paga pais Aruba mester dividend di su NVnan

ORANJESTAD— Hustamente prome cu e mandatario encarga cu economia y finanzas, Xiomara Ruiz-Maduro mester a bay sinta cu FitchRatings, a reacciona entre otro riba un press release di AHATA unda ta indica cu Aruba ta den un 'perfect storm' financiero y economico. AHATA a critica cu gobierno por medio di introduci un Ministeriele Regeling lo por exige entrada di ATA Sui Generis, mientras AHATA ta haya esaki inhusto. E mandatario ta reacciona bisando cu no ta pa nada e institutonan manera ATA ta haya fondo publico y tin cu contribui ora cos ta menos bon.



Den nan press release, e gremio di sector hotelero, AHATA, ta bin dilanti bisando cu actualmente Aruba ta den un 'perfect storm' cu lo test e economia di e pais. Esaki mirando entre otro e situacion cu e malesa Covid-19, e malesa causa pa infeccion cu e coronavirus. Netamente aworaki tambe lo bay trata e presupuesto pa aña 2020 tambe, y esaki ta crea un clima intenso di discusion rondona cu con gobierno di Aruba ta gasta su fondonan disponibel.

Ruiz-Maduro den su discurso a defende gobierno su posicion creando un analogia como cu Aruba aworaki ta nabegando den un tormenta. E mandatario a bisa: "Nos no a sali di e zona di peligro, y ora bo ta memey di un coronavirus y bo ta memey di un evaluacion, y bo tin algo poni cu ta bay afecta bo como pais, e ta bira un momento hopi fastioso pa bo como pais, y p'esey e ora ey ta importante pa hiba un debate sano. Pasobra nos ta papia di consecuencia pa nos economia. Awe ami ta akinan. Mañan por tin otro minister, por tin otro gobierno, pero loke mi ta señala (red: pago di debe riba proyectonan PPP) no lo bay."

Loke e minister ta trece dilanti, den poco palabra, ta cu no por bay complace tur grupo alabes; esta pueblo, comercio, institutonan manera FitchRatings y Hulanda. E mandatario ta indica cu pa via di e debe redobla, crea pa proyectonan manera Watty Vos Boulevard, Aruba ta keda 'sin buffer' pa por lidia cu problemanan. E unico manera cu por baha e debe, ta si gobierno mantene un surplus den su presupuesto. Ruiz: "Nos no ta haciendo e trabou aki pa haya placa di prechi di Hulanda of di CAft, nos ta haciendo esaki pasobra manera mi a mostra, nos ta e boto eynan memey di e perfect storm".

Fin di luna ta bin rating nobo di Fitch cu por tin consecuencia pa pago di Watty Vos Boulevard

E minister femenino a reacciona riba critica cu gobierno lo bay kibra economia sea cu reforma fiscal, of cu e accionnan tuma pa purba paga interes y debe cu tin pendiente. Pa esey, el a indica cu tin un 'financieringsbehoefte', esta un necesidad di financiamiento na un cantidad di 315 miyon florin, cual ora ta kita esaki di e debe cu mester paga aworaki di 361 miyon, ta resulta den e surplus di 46 miyon florin. Asina Ruiz-Maduro ta splica cu e 'tribon' aki ta 'come' e 'buffer' cu normalmente lo tin.

Ademas, e ta indica cu: "Economia lo a kibra na 2017 caba si no a cambia direccion di finanzas publico. Na e momento ey no tabata pagando AZV, SVB y APFA. Cu esey a bin un domino effect, cu si awe nos no a tuma responsabilidad, economia lo tabata kibra caba".


Loke ta enfocando riba dje actualmente ta pa yega na un rating faborabel cerca Fitch. Ruiz-Maduro ta splica cu esaki lo tin consecuencia positivo dobel pa Aruba. Si logra haya un rating faborabel, credibilidad financiero den Aruba riba mercado internacional ta hisa y asina aki gobierno por fia placa riba interes mas faborabel, cual na su turno lo por haci e peso di paga e debenan cu tin habri uno mas suave. Banda di esaki, si Fitch bin cu un rating menos faborabel pa Aruba, aworaki gobierno a bin haya sa via rapport di Controlaria General (Algemene Rekenkamer), cual a haci un investigacion riba proyectonan PPP titula Bo Aruba, cu den contract di Watty Vos Boulevard tin un clausula unda ta indica cu si Aruba su credibilidad financiero (rating) baha, e financiado di e proyecto lo por bay cobra gobierno e suma cu debe di manera mas acelera di loke ta stipula den e contract.



*Por mira e articulo di AHATA bishitando nos website bondia.com of scan e QR code.

Stichting Trampolin pa Trabou:

‘Duna nos clientenan un chens y caminda pa cana’



ORANJESTAD – Stichting Trampolin Trabou ta un fundacion cu ta coach persona cu limitacion, cu tin e capacidad pa drenta den area di trabou, pa asina tur persona por sinti nan mes inclui y ta activo den comunidad.

Lionel Rumnit, job coach di fundacion Trampolin pa Trabou a splica cu pa cliente cu limitacion, prome tin cu tene un combersacion den cual e persona y e famia ta yega na un idea y evalua si ta pas pa por ta den un trabou.

Eynan e proceso ta cuminsa ‘instroom’, caminda e persona cu limitacion ta cuminsa cu e habilidadnan basico pa e training, conoci como ‘soft skills’. Ora nan ta bon prepara, nan ta sigui pa e ‘doorstroom’, cu ta e etapa den cual nan ta bay stage.

Esaki por sucede na un negoshi of organisacion. Ora nan ta cla cu e stage, ta busca un trabou cu nan por ta fiho. Segun Rumnit e meta di Trampolin pa Trabou pa prepara y yuda duna guia pa e clientenan por haya y mantene e trabou.

Trampolin pa Trabou tin 5 aña trahado, sinembargo a cuminsa wak e fruto di e fundacion. “Bo no ta realisa cuanto a pasa. Nos a haya mas di 30 cliente, mayoria ta na pia di trabou. E personanan aki ta traha cu amor, feliz, nan no kier tene man na halto y tampoco ta warda pa hende duna nan placa.”

Rumnit ta expresa cu su clientenan kier wordo aprecia y balora, ‘nan kier traha cu

orguyo’. E ta bisa cu esey ta duna nan forza pa sigui y ta habri caminda pa otro.

E ta bisa cu un cliente feliz ta duna un ehempel. Awo cu evento di celebracion di 18 Di Maart tin actividad den cual nan cliente lo ta trahando. “E amor cu nan tin pa nan trabou, e interes, e gana di kier traha y haci nan trabou... Nan merece un chens den comunidad pa e potencial cu nan tin.”

Rumnit ta bisa cu e proceso aki no ta nada facil, pa motibo cu ta keda reto di famia, cu nan tin miedo cu hende ta bay haci algo malo cu nan yiu cu tin limitacion. Tambe tin e berguensa di nan yiu, maske ‘esey no mester’. E ta bisa cu e persona cu limitacion ‘kier y por’.

Cu esey e ta bisa cu no mester stroba nan. Tin biaha e mayor ta esun cu ta stroba e persona cu limitacion di sali den comunidad. Sinembargo Rumnit ta bisa cu nan tambe ta ser humano.

E ta bisa cu e proceso di tin confiansa cu e mayor of e famia, pa por laga e mucha, por sigui cu e guia di Trampolin pa Trabou. “Hopi caso ta inspiracion den fase, cu ta bay wak mas dunado di trabou lo bay habri porta pa cliente y nan ta descubri e talento cu e clientenan tin.”

Den un caso tin trahado cu limitacion di autismo, e ta trahando den Hyatt Place. A papia cu e general manager, ken a expresa su contento di con e persona aki ta enfoca riba su trabou y ta haci’e cu amor. Esey ta un ehempel cu



a menciona cu ta duna nan orguyo.

Pa esaki e ta bisa cu hende tin cu tuma nan, pa asina nan mes por experiencia locual e persona cu limitacion ta haci. “Nos ta biba den un isla y ta facil pa hende punta dede. E dolor di famia cu hende ta pasa den dje ta haci cu nan kier cera nan yiu of no duna espacio.”

Esey por crea cu e persona cu limitacion tambe por cay den depresion. Rumnit ta conseha e famia, mirando cu hopi biaha nan kier solamente proteha, pero ta lubida cu nan tambe kier un identidad, nan kier ta social. Pues mayor mester tene na cuenta

cu nan tambe tin derecho pa un bida social y no mester tene nan separa di sociedad.

“Ami lo conseha pa mayor wak kico tur tin rond na Aruba, nan no sa cuanto hende of fundacion cu tin nan pa yuda nan. Respaldo tambe tin cliente cu ta wordo trata y cu ta forma parti di comunidad y nan mester e chens pa traha”, el a bisa.

Rumnit a splica cu tin persona cu ta bon studia, pero tin problema psiquiatrico, cu tambe mester soluciona nan problema. Kisas no por ta 100% productivo, pero nan por aporta pa comunidad. Djis ‘mester pensa out of the box’ pa guia ‘coaching’ y siña

nan e caminda pa cana. Di e forma aki nan ta motiva otro tambe pa sigui siña y no keda pendiente di e ‘handicap uitkering’; sino pa stimula pa bay traha y kier e yudansa cu nan por.

Si tin hende cu kier tin mas informacion of kier sa mas di stichting Trampolin pa Trabou, pa cualkier pregunta nan por bishita nan pagina di Facebook, of por pasa bishita e luga y wak.

Nan ta wak si e persona ta cualifica, pa nan tuma e persona y wak cu den algun luna nan ta haya chens di stroom uit pa despues haya un trabou. Tambe kier comparti awo cu 18 di maart ta na caminda, nan tin waiter y catering disponibel pa traha pa evento.

“Cualkier fiesta cu tin nan por yama of acerca pa nan por tin nan waiter cu ta cla pa yuda. Pa nan busca algo diferente den catering. Tin cushina, y henter e menu riba Facebook pa comparti. Tin opcion vegetariano y no vegeteriano pa cualkier fiesta cu ta”, el a bisa.

Nan ta recorda cu Stichting Trampolin pa trabou ta pa gana e curason di tur hende y disfruta di nan servicio. Ta pidi pa no cera pashent, duna nan un caminda pa cana y pa nan sa cu tin chens y por aporta pa comunidad. Por yama na 5829485 / 5920096 of e-mail trampolin-patrabou@gmail.com.



Comunidad ta keda invita pa celebra dia nacional 18 di maart na Museo Arkeologico

ORANJESTAD – Museo Arkeologico Nacional Aruba (MANA) y Club Kibrahacha a uni forza pa celebra Dia di Himno y Bandera e proximo 18 di maart.

Marguerita Wever, hefe di seccion di Educacion y Presentacion di Museo Arkeologico di Aruba, a duna di conoce cu un biaha mas nan ta anfitrión di Club Kibrahacha riba dia nacional 18 di maart. Den esaki, el a manifesta cu nan ta promove e balor di hende grandi pa e pais.

Dia 18 di maart e salanan di exposicion lo ta habri pa publico, Fundacion 1403 tambe lo bay ta presente pa bende su ultimo publicacion científico 'The Archaeology of Aruba: the pictographs and petroglyphs', cu ta un catalog di tur e pinturanan riba baranca haya na Aruba.

Museo lo bay ta habri desde 10or di mainta pa 2or di merdia, tambe lo ofrece diferente cuminda crioyo pa brinda pa comunidad te 6or di atardi.

Riba e dia special aki, publico por bishita e exposicion permanente di arkeologia Arubano y e exposicion temporario 'Caribbean Ties', cu ta e finalisacion di e proyecto NEXUS 1492, lidera pa Universidad di Leiden, den cual a traha cu diferente instancia di diferente pais den e region di Caribe.

E proyecto di investigacion importante di NEXUS 1492 a haci cu entre otro MANA di Aruba a haya e oportunidad unico pa haci investigacionnan profundo, cu profesionalnan den diferente ramo di experticio. For di e investigacionnan aki a sali hopi informacion y a surgi e idea pa bin cu un exposicion. E exposicion 'Caribbean Ties' ta musta e patrimonio y cultura Indigena y su balor contemporaneo.

Di mesun manera, Wever a bisa cu Museo Arkeologico Nacional Aruba ta espera e bishita di e organizacion di auto clasico 'Aruba Muscle Car Club' pa asina hende cu tin interes den esaki por acerca e museo pa saca potret.

Brigitte Loeffstop, lider di proyecto di Club Kibrahacha, a trece dilanti cu nan ta bay haci un 'Sweet Memories Expo', den cual kier trece e dushi temponan di antes bek converti den un forma di exposicion di pintura y otro elementonan.

Loeffstop a sigura cu e meta di esaki ta pa recauda fondo pa e hende grandi di e fundacion y tambe pa musta cu nunca lo ta laat pa siña algo nobo.

E evento aki di exposicion ta encera pinturanan riba canvas cu paisahenan di Aruba, pinta door di e miembronan di edad di 60+ bao e guia di un juffrouw cu a siña nan diferente tecnica pa pinta. Tambe tin algun di nan traha cu foil of verf di acrilic. Asina mes el a informa cu e obranan lo ta na benta.

Ademas di e pinturanan, tambe lo tin pa e publico asistiendo obranan di man, un seccion di 26 potret di Aruba su naturalesa, parhanan, como tambe cos dushi como bolo, pan boyo, dulce de leche, entre otro.

Como atraccion, Loeffstop a comenta cu lo presenta cinco grupo di caha di orgel ubica na diferente luga di e museo, pa hende por saca potretnan cu nan y disfruta di su zonido.



BONDIA
ARUBA

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo
Xiomara Arends

Redaccion Ehecutivo
Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion
Benjamin Romero
Kenna Hernandez
Andreina Morillo

Departamento Digital
Juan Luis Pinto

Ehecutivo di Benta
Sulaika Croes
email: sulaika.croes@cspnv.com

Linda Reijnders

Aviso y Arte
Sandra Loeffstop
Lisa Tromp
Shannon Geerman

Administracion
Mariette Engelhart
Martha Arteta de Ariza
email: accounting@bondia.com

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirksz

Colaboracion
Luis Villegas
Associated Press
Ret Karibense
Upload Media Aruba

Afiliacion
Sociedad Interamericana
di Prensa (SIP)

DIRECCION
Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



BOGOTÁ (France24) – Human Rights Watch den un informe extenso publica dia 10 di maart ultimo a critica e intervencion di autoridadnan durante

e manifestacionnan cu a cuminsa den e pais na november di aña pasa.

Pa HRW, “Polis a emplea e forza excesivo contra mani-

festantenan, incluyendo golpinan y uso no debido di arma ‘menos letal’”. Di acuerdo cu director pa America di ONG, Jose Miguel Vivanco, tin denuncianan y pruebanan di

Colombia: HRW ta denuncia ‘brutal’ actuacion di Polis den manifestacion

‘detencionnan arbitrario y golpinan brutal contra manifestantenan pacifico, personanan deteni y traseunte’.

Esakinan ta e conclusionnan na cual HRW a yega despues di haya entrevista cu victimanan di abuso y nan famia y despues di solicita informacion pa Ministerio di Defensa, Fiscalia y Procuraduria.

E episodio di protestanan aki a marca e final di 2019 na Colombia y a bira e mas grandi desafio pa presidente Ivan Duque desde su yegada na poder na 2018. Miles di persona a subi caya pa protesta contra varios problematica, manera e morto di lidernan social.

Segun datonan di Polis, den

e informe a registra 213 persona cu a keda deteni durante e protestanan na 2019 y otro 1.662 cu a ser ‘hiba’ pa centro di detencion administrativo.

E figura ultimo ta haci referencia na un herment legal cu ta evita e riesgo pa un persona mediante su mobilisacion. Sinembargo, HRW a constata cu a haci algun di e traslado aki sin cu tabata existi ningun peligro.

Ministerio di Defensa a sigura pa Human Rights Watch cu pa 3 di maart tabatin 32 investigacion na husticia militar, incluyendo e morto di Dilan Cruz. Tambe ta figura 44 otro investigacion disciplinario na Polis di cual 27 ta pa ‘abuso di autoridad’ y ya a cera seis di nan.

Ecuador ta perde ocho miyon dollar pa dia pa coronavirus

QUITO (Infobae) – Ecuador a anuncia recorte di presupuesto, reduccion di salario di empleado publico y un debe, pa asina enfrenta e dificultadnan causa pa coronavirus y caida di prijs di petroleo.

“E enfermedad global di coronavirus ta generando un crisis economico na henter mundo y a golpia Ecuador fuertemente”, presidente Lenin Moreno a anuncia na radio y television.

E mandatario a agrega cu e pais, cu ta depende di benta di petroleo, ta perde pa dia alrededor di 8 miyon dollar

pa caida di e prijs di petroleo. Cu e situacion aki, cual el a señala como ‘basta delicado y dificil’, e mandatario a indica cu lo mantene un plan di austeridad cu a cuminsa na 2019.

Estado a spaar 448 miyon dollar aña pasa cu e retiro di trahadonan publico, loke ta supera 9.000 miyon dollar pa aña.

E empleadonan di estado cu ta sigui den funcion y ta cobra mas di 800 dollar pa luna lo haya un reduccion di salario di hasta 8%.

Moreno a agrega cu lo recorta na 1.400 miyon dollar e presupuesto estatal sin



afecta e area di salud. P’ese y lo elimina secretarianan,

agencianan di control y empresanan publico.

E mandatario ta busca mas efectivo, motibo pa cual el ta gestiona cu dos organismo internacional, no identifica, un prestamo di 2.000 miyon dollar, como tambe un reprogramacion di vencemento di e debe externo, aunke no a duna mas detaye.

Moreno a anuncia e medidanan despues cu na october ultimo a fracasa e decision cu a acorda cu FMI di elimina 1.500 miyon dollar den subsidio pa combustibel. Despues e mandatario a cancela e decision pa via di protestanan social cu a laga un decena di persona fayecido.

Uruguay a retira di Unasur y a bin bek na TIAR

MONTEVIDEO (Infobae) – E canciyer di Uruguay, Ernesto Talvi, diamars ultimo a anuncia cu e pais a retira di Union di Nacionnan Sur Americano (Unasur) y a bin bek na Tratado Interamericano di Asistencia Reciproco (TIAR).

“Gobierno di Uruguay a dispone retira di Unasur, ya cu mayoria di paisnan di e region ya a bandon’e, cu excepcion di Guyana, Surinam y Venezuela. Ta trata di un organismo regional, basa den linimento di politica y ideologia y cu, den hechonan, a



stop di funciona: no tin un sede y no tin secretaria general operativo”, Ministerio di Relacionnan Exterior a sostene den un comunicado.

Casi 10 aña desde e nombra-

mento di Nestor Kirchner como prome secretario general di Unasur, den e cumbre extraordinario cu a tuma luga 4 di mei di 2010 na Campana, Argentina, e organismo re-

gional a keda desintegra virtualmente.

Unasur, forma dos aña prome na Brasilia, a keda como un emblema di isquierda di Latino America. Cristina Kirchner, Lula Da Silva, Hugo Chávez, Evo Morales, Rafael Correa, José Mujica y Fernando Lugo tabata soña cu laga nan vision di ‘unidad Latino Americano’ den e organisacion aki.

Sinembargo, na momento cu e historico ciclo economico cu a permiti e consolidacion di e presidentenan aki a conclui, hopi di nan a cuminsa perde eleccionnan y a ser re-

emplasa pa mandatarionan opositor. E intervencion fayido di Unasur como mediador den e conflicto Venezolano, tabata e causa cu hopi pais lo dicidi di pone fin pa su participacion.

E Gobierno nobo cu a asumi 1 di maart ultimo, a dicidi di haci un importante giro na materia di politica exterior. Lacalle Pou totalmente a distancia di gobierno di Nicolas Maduro – ken no a ser invita pa su nombramento – y a respalda Juan Guaido. “E pueblo Venezolano ta conta cu nos cariño y apoyo”, e presidente a skirbi den contesta pa Juan Guaido.

Venezuela: Pdvsa ta bende crudo na prijs di baca flaco



(LaPatilla/Reuters) – Pdvsa ta ofreciendo e siman aki descuento di 23 dollar pa bari pa benta di su crudo mas conoci, segun operadornan, meymey di un collapse mundial di prijs di crudo. Esaki ta pone mas presion riba e compania estatal, cu ta

enfrentando sancion Mericano cu ta dificulta su exportacion. Pdvsa a fiha prijs pa su crudo Merey na inicio di aña entre 16 y 18 dollar pa bari bao di e prijs pa un bari di crudo Brent, pa por atrae cumprado cu tin miedo pa e sancionnan di gobierno di Trump.

Cu Brent sufriendo su caida mas grandi den varios decada pa e deterioro di demanda pa via di e crisis di coronavirus combina cu e guerra di prijs cu a cuminsa entre Rusia y Saudi Arabia pa konkista mas mercado. E guerra aki por resulta den problema grandi pa Pdvsa cubri su costo di produccion.

37 dollar pa bari di Brent, e descuentonan ta laga Pdvsa solamente cu 14 pa 18 dollar pa bari pa su crudo. “E ta un tormenta perfecto,” Francisco Monaldi, economista di energia di Universidad Rice, na Houston, ta bisa. “Si e caida di prijs keda prolonga, mi ta mira esey catastrofico pa Venezuela,” el a agrega.

cuentonan ofreci pa Pdvsa a amplia te entre 18 y 23 dollar pa bari, compara cu Brent, pa benta di Merey 16, un mezcla di crudo extrapisa di Faha di Orinoco y variedadnan mas liviano, principalmente pidi pa refinarianan na Asia. Costo di produccion na Venezuela ta entre 10 y 12 dollar, excluyendo royalty di 33% pa gobierno, segun dos fuente di e industria.

Na un prijs di alrededor di

Pa compensa e riesgo, e des-



Venezuela: Michelle Bachelet a actualisa informe di Derecho Humano

(Infobae/LaPatilla) - Alto Comisionado di Nacionnan Uni pa Derecho Humano, Michelle Bachelet, a brinda un actualisacion di su informe encunto e crisis na Venezuela. “Mi oficina ta sigui ricibi denuncia di trato cruel di preso,” el a denuncia.

E ex-presidente di Chile a enfatisa cu “e tensionnan politico ta continua” na e pais y cu tin “tension entre forsan di seguridad y e poblacion cu ta manifesta pacificamente” riba caya. El a recorda cu dia 5 di januari forsan di seguridad a stroba e diputadonan di yega na Asamblea Nacional. Despues el a lamenta e detencion di diputado opositor Gilbert Caro, cu “ta continua priva di su libertad sin cu conoce su lugar di detencion,” y Bachelet a subraya: “Mi oficina a documenta tambe agresion contra manifestante y periodista. Dia 11 di februari a agredi por lo menos 11 periodista na yegada di Juan Guaido na e pais,” segun Bachelet.

“Nos a registra invasion na sede di partido y ONG, y nos a documenta agresion contra autoridadnan universitario. Ademas ta persisti restriccion di libertad sindical,” e Alto Comisionado a declara den su intervencion cortico. Despues el a atende e tema di deterioro di salud: “Ta urgente atende muchanan cu necesidad di transplante.” Tambe el a actualisa e cifra di persona cu ta den “inseguridad alimentario severo” na 2,3 miyon y ta menciona cu 4,9 miyon persona a bandona e pais.

“Mi tin confianza cu por alcansa e acuerdonan politico necesario pa garantisa eleccion creible,” el a conclui. E informe elabora riba peticion di e Consejo di Derecho Humano di ONU y publica na juli aña pasa, ta afirma cu den ultimo decada y specialmente desde 2016, e regimen di Maduro a “inicia un strategia di neutralisa, reprimi y criminalisa oposicion politico y esnan cu ta critica gobierno.”

ROLLIN'

INTO CASH

Thursdays • 8pm - 10pm

WIN A SHARE OF

\$10,000

CASH

HOW TO QUALIFY
Receive one entry for every 50 tier-points earned from 7am - 9pm while signed into your Rewards account at either Wind Creek casino.

Starting at 8pm, you could be one of five Players drawn each hour for a chance to win up to \$500 CASH!

#WinningMoment



WIND CREEK®
CASINOS • ARUBA

See PLAYER SERVICES for details.

Ta urgi localnan na Brabant pa evita socialisa pa un siman

BRABANT (DutchNew) – Un set di medidanan nobo den e provincia Hulandes di Noord-Brabant den un esfuerso pa contene e plamamento di coronavirus. Mas di e mita di e casonan oficial Hulandes awo ta na e provincia y alrededor di e mita di esaki tin un fuente desconoci.


A cancela decena di evento, incluyendo varios partido di futbol di Eredivisie, desfile di carnaval cu ya a wordo posponi pa motibo di e tormentanan. Ademá a pidi ciudadanonan local pa retene e contacto social durante e proximo siman. Esaki ta bin ariba di e instruccionnan anterior pa traha di cas si ta posible. E medidanan nobo, e alcalde di Den Bosch Jack Mikkers a bisa diamars anochi, cu ta crucial pa motibo cu e coronavirus ta hayando un gara riba nos provincia.

Si bo wak e enfoka di e testnan di e deteccion di e enfermedad na ful e pais, e ta den e personanan cu ta muestra e sintomanan mas grave, e testnan di 1.000 empleado di hospital di Brabant cu ta muestra e sintomanan leve a encontra e virus den alrededor di 4%. Jaap van Dissel, cu ta dirigi e unidad di enfermedadnan infecciosos di e instituto di salud Hulandes, esaki e parlamentarianan a bisa den un sesion



informativo diamars ultimo, cu ta muestra cu mas ta sosodiendo na Brabant cu na e resto di e pais. “Nos ta wak casonan cu nos no por splica y e investigacion ta muestra cu e trahadonan di hospital no a infecta entre nan, el a bisa. “Pa e motibo aki nos ta kere cu e virus ta plamando den varios parti di e provincia.

E impacto di e virus riba turismo na Hulanda ya ta wordo sinti, cu e reservacionnan di hotel na Amsterdam na un 30%, segun Nico Evers, e vice presidente di e asocion di e industria hotelero di



e capital KHA. Ta pidi personal pa tuma vakantie y e contractnan no continua ora cu e fecha caduca pa deal cu e recesion, e emisora nos a bisa.

“Menos huesped ta nifica menos limpieza y cushna”, Evers a bisa. Na Rotterdam y Tilburg, e hotelnan a informa un aumento den e cancelacionnan y menos reservacionnan nobo. “E empresanan realmente ta tumando medidanan” esaki ta locual e empresario di hospitalidad di Tilburg, Tim Wijdemans a bisa NOS. “Nan ta cancelando reservacionnan y nos ta ricibiendo menos”. Un siman pasa nos a pensa cu nos por ta bon, pero awo mi por wak cu nos ta leu di termina. E bureau Hulandes di CBL a bisa diaranson cu e tiendanan y wholesaler awo ta pidiendo nan clientenan pa paga cu carchi debit direct enbes di efectivo, debi na e riesgo di infeccion.

Esaki ta debi na e transaccionnan den efectivo ta envolvi contacto fisico cu personal y mester evita esaki, CBL a bisa. E problema no ta trata di placa of superficia contamina manera ATN pa motibo esaki no ta un vector of transmision di e virus, e director di CBL Marc Jansen a bisa DutchNews.nl. “Aparentemente contacto cu humano si”.

Ombudsman Hulandes lo trata cu studiantenan di Caribe y DUO

WILLEMSTAD (curacaochronicle) – Ombudsman di Hulanda lo investiga e problemanan cu e studiantenan Caribenio y e agencia ehecutivo di educacion Duo ta enfrentando.

E investigacion mester wordo conduci na recomendacionnan pa mehora e preparacion m e estadia y e ciudadano posterior di e studiantenan.

Durante e investigacion aki, e Ombudsman lo traha cu colaboracion estrecho cu e Ombudsman di Corsou y Sint Maarten. E resultado lo bira conoci na principio di december 2020.

E obhetivo di e investigacion ta pa yuda e studiantenan pa paga nan debenan despues cu nan caba di studia.



Fiscal a demanda 6 aña di prizon pa Theo Heyliger

PHILIPSBURG (thedayherald) – Fiscal a exige 6 aña di prizon pa e ex politico Teho Heyliger y e lo ser encarcela inmediato.

E ex director di e empresa construcion Windward Roads J.B. ta enfrenta un aña di prizon, E fiscal tambe a so-

licita cu tanto Heyliger como B tin reduccionnan den nan sentencia debe na nan estadia den prizon preventivo.

E otro sospechosonan den e investigacion Larimar-I R.E. y G.P. ambos ta enfrenta 140 ora di servicio comunitario.



Marechaussee a resta tres homber na Shiphol

AMSTERDAM (Dutch-News) - Tres hoben di Amsterdam a wordo aresta paso di e aeropuerto di Shiphol dialuna anochi, despues cu un Marechaussee a haya un pistol den un tas den auto cu nan tabata aden, esaki Marechaussee a bisa diaranson ultimo.

E auto a wordo para den e seccion di salida durante un control rutinario. Un di e

pasaheronan tabata parce di ta nervioso ora cu e auto a para el a purba di sali di e auto, despues di tira e tas riba e stoel, esaki segun e comunicado di polis.

A rista e tas y a haya cu e ta contene e pistol y un pensa di municion. E tres homber di 19 y 20 aña di edad a wordo aresta. Polis tambe a rista un cas na Amsterdam, pero no a haya nada, e investigacion ta continua.



Curaçao y Bonaire a firma acuerdo di hermandad

WILLEMSTAD (curacao-chronicle) - Bonaire y Curaçao lo traha mas di cerca hunto. Por lo tanto ambos isla a firma un acuerdo di Hermandad. E acuerdo a ser firma pa Prome Minister di Curaçao Eugene Rhuggenaath y Comisionado Elvis Tjin-Asjoe di Bonaire.

Esaki mester impulsa e comercio y industria mediante e transporte di mercaderianan liber di impuesto y trabounan di importacion entre e islanan. Entre otro riba tereno di comercio y industria, evaluacion di e transporte di productonan entre e islanan sin mester paga impuesto ni derecho di importacion, mehoracion di conectividad entre e islanan, promocion di turismo duradero y intercambio di conocimiento riba tereno di enseñansa, salud, gobernacion y mas.

Segun Promé Minister Rhuggenaath, “Nos tin un laso di hermandad fuerte paso nos islanan y nos hendenan ta conecta historicamente, familiar y cultural. Nos por saca hopi mas provecho mutuo dor di combina forsa riba diferente tema. Esaki ta un prome paso

y seguidamente nos lo sigui concretisa e oportunidadnan den gobierno y cu partnernan den comunidad”.

Diputado Tjin Asjoe tambe ta convenci cu “nos por tin hopi mas na otro den nos afan pa logra desaroyo duradero, si nos colabora y comparti conocimiento y experiencia riba diferente area di interes comun.”

Prome cu e restructuracion politico na 2010, Corsou y Boneiro a traha evidente-

mente hunto riba hopi tereno, pero ora a desmantela Antias na october 2010, mayoria di e convenionan entre e dos islanan a yega na un final automaticamente. Tanto Prome Minister Rhuggenaath di Corsou, como Diputado Tjin Asjoe di Boneiro cu a bini cu e iniciativa ta di opinion cu, despues di dies aña, e momento a yega pa un acercamento mas profundo riba tereno gubernamental, pero tambe pa stimula colaboracion riba tur nivel di comunidad na e dos islanan.



Feliz Dia di Himno y Bandera!

En conexion cu Dia di Himno y Bandera nos oficina lo ta cera **diaranson, 18 di maart 2020.**

Nos oficina lo ta habri bek **diahuebs, 19 di maart 2020.**



Seroe Blanco 4, Oranjestad, Aruba | (297) 525 2732 | www.apfaruba.org

Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BENDE

Articulonan di BABY
na prijs barata
Tel 568-2714
Tel 568-5042

TA BENDE

un cas: 3 camber / 2 baño
na Primavera, Awg.395.000
Tel.592 9966

TA BENDE

Tubo pa colga paña un set (2x)
pa Fls.200
Tel: 569 7787

TA BENDE

Un Cas Moderno: 3 Camber
2 banjo na Boroncana.
Awg. 475.000.00.
Tel: 565 0831

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

TA HUUR

Camber + baño na
Piedra Plat (Seroe Pita)
Tel. 594 9694

SERVICIO PUBLICO

Mi ta ofrece servicio di
electricidad en general,
problema cu corto circuito
y mantencion
Tel. 566 5026

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

Psychic Riley let me help solve
your problems in love marriage
finance career and family with
immediate results
Call 001 747271 9899
wyattearp14@sbcglobal.net

SERVICIO PUBLICO

Sra. ta dispuesto pa haci trabou
den cuido di mucha y anciano y
tambe limpieza di cas of oficina
Tel. 568 1152

SERVICIO PUBLICO

Mi ta ofrece servicio di electri-
cista en general corto circuito y
mantencion
Tel.566 5026

SERVICIO PUBLICO

Señora ta ofrece servicio pa
cuida mucha of hende grandi-
Tel: 593 1777

SERVICIO

Unified One Events
Photos , films, wedding
Tel. 749 2533

SERVICIO PUBLICO

ta drecha tur sorto
di Imagen y verf
Tel. 584 2489

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

TA HUUR

apartment na Madiki Kavel
Whatsapp
Tel. 746 2395

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial tambien
reparamos frigidaire, cuartos
frios y fabricantes de hielo
Tel. 600 0750

SERVICIO PUBLICO

ta yuda busca cas
pa cumpra of huur
Tel. 563 1449

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel.593 0040

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

ta haci tur tipo di trabou
di costurera
Tel. 593 2085

TA HUUR

Studio/ apartment semimuebla
en Playa (max 2 persona): living
cu cocina y un camber cu baño.
Afl.700
Tel. 662 3892

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

TA BENDE

Caha di Orgel.
Tin 3 cylinder NOBO.
Pa mas informacion yama
Tel. 593 0203

FOR SALE

structura pa traha casdi trailer
mas grandi cu 40 pia. Fls.5 mil
Tel. 569 4343

SERVICIO PUBLICO

Para todo lo que se refiere a
tapiceria de muebles, autos,
botes. Reparamos bambú,
cabana. Todo lo relacionado
con carpinteria
Tel. 569 7539 / 746 0518

SERVICIO PUBLICO

Albañil, ceramica, porcelanato,
plomeria, pintura, cielo razo,
puertas de madera, puntos
electricos, soldadura, Bloques,
Frizos, pisos. Yama ya
Tel. 740 1242 / 740 4003

TA BUSCA

pa cumpra 1 tereno Eigendom
di ongerveer 400 m2 pa 500
m2 den vecindario di Madiki,
Socotoro, Meinveld, Ponton,
Companachi of otro bario
Tel.593 0769 / 593 3514

TA HUUR

Apartment full muebla. Incl.
awa, excl. coriente. Vecindario
Tele Aruba.
Pa mas info yama
Tel.593 8488 / 593 7755

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

FOR SALE

Commercial property close to
the new Container Port in
Barcadera, build-up 424 m2,
land 2400 m2 for \$337,078.
For more details
Tel. 593 6318

FOR SALE

Gorgeous two story house in
Paradera, 3 bedrooms/
3 bathrooms with pool for
\$470,000
Tel.593 6318

SERVICIO PUBLICO

Pa tur trabou di tapiceria di
mueble, auto, yate y barco.
Nos ta haci trabou di cabana y
bambu y nos ta verf
Tel : 569 7539 / 737 3993

TA HUUR

1 studio camber muebla inclui
awa, gas, cable. Pa 1 persona,
hende serio so.
Na highway
Tel. 741 8637

TA HUUR

Pa famia maximum
4 persona.
Yama pa informacion
Tel.568 4209

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI
MAS CERCA DI BO!**



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia.com**

Edwina Henriquez:

‘Medidanan di gobierno MEP-POR-RED contra pueblo lo tin efectonan devastador riba esnan mas vulnerable den comunidad’

ORANJSTAD - Gobierno di MEP-POR-RED bao liderazgo di Minister-President Evelyn Wever-Croes ta bay introduci medidanan devastador contra e Pueblo di Aruba cual medidanan lo drenta na vigor dia 1 di April 2020. Gobierno di MEP-POR-RED bao di liderazgo di Evelyn Wever-Croes ta doño di e medidanan aki, cual lo bay asota e Pueblo di Aruba na forma devastador ya cu e Pueblo di

Aruba no por carga ni un aumento mas sin cu esaki lo afecta su capacidad di compra. Durante campaña e lider di MEP, Evelyn Wever-Croes a bisa e Pueblo di Aruba cu e

tin e solucion pa baha e debe di Gobierno di Aruba sin cu Gobierno mester tuma medida a cambio di e sosten di e Pueblo di Aruba.

Na November 2017 Evelyn Wever-Croes a forma un Gobierno MEP-POR-RED y ya caba ta gobernando e pais aki pa 2 aña y 4 luna. Mesora cu MEP-POR-RED a bin na mando a subi e BBO y awor e ta 6%. Na e momento ey Evelyn Wever-Croes por a bende e Pueblo di Aruba cu e medidanan tabata necesario, pasobra ex Minister president Mike Eman a laga Aruba cu un desaster financiero. Gobierno di MEP-POR-RED a priminti di baha gastonan y stop di paga placa na edificio-

nan y na abogado.

Awe despues cu MEP-POR-RED bao guia di Evelyn Wever-Croes ta goberna Aruba pa 2 aña y 4 luna, e medidanan cu Gobierno di MEP-POR-RED ta tuma awor contra e Pueblo no por wordo bisa mas cu nan ta bin dor di e Gobierno anterior, pasobra Pueblo di Aruba a huur Evelyn Wever-Croes y su Gabinete su servicionan pa goberna e pais aki na forma decente, pero kico Evelyn Wever-Croes y su Gabinete a haci? Emplea decenas di famia y amigonan; duna Papa miles y miles di florin na ganashi como abogado di Gobierno y asina nos por sigui; tur e decisionnan aki ta pa

enrikece famia y amigonan a custia di e Pueblo di Aruba. Awor Gobierno di MEP-POR-RED ta bay bin cu e ultimo cuchiu den lomba di e Pueblo di Aruba y e ultimo medidanan aki, cualnan lo aumenta e BBO no cu 6% hacie 12%, pero esaki lo bira 24% ya cu tur comerciante lo haya ta bon pa hisa nan prijs na nan antoho sin cu Gobierno por controla esaki.

Evelyn Wever-Croes ta propaganda su mes como un persona cu ta stima Dios y ta ricibi e Santa Comunion frecuentemente y al mismo tiempo por stima placa asina hopi y na mesun momento ta tuma medidanan contra e Pueblo di Aruba a sabiendas

cu esaki lo causa cu muchanan chikito lo bay drumi sin come; cu ancianonan lo bay drumi sin come; cu e medidanan aki lo causa un brote di problemanan social na Aruba cu e consecuencia cu esnan mas vulnerable den nos comunidad lo wordo malamente afecta.

Como Abogado pa Derechonan Humano mi ta condena energicamente e decision di Gobierno di MEP-POR-RED encabesa pa Minister President, Evelyn Wever-Croes pa tuma medidanan contra e Pueblo di Aruba ya cu e medidanan aki lo bay tin efectonan devastador pa esnan mas vulnerable den nos comunidad.

Black Tie Foundation:

‘Proyecto pa muchanan tin oportunidad di transporte’

ORANJESTAD – Black Tie Foundation lo tene nan evento pa yuda e Scol Basico Dornasol, cu tin nan proyecto pa amplia pa tin mas local y tambe pa un bus pa e muchanan por atende actividad. E evento lo tuma luga dia 12 di september na Renaissance Convention Center.

E aña ki Aruba Black Tie Foundation, Sharin Geerman a comparti di e fiesta gala dinner. Nan a opta pa e aña aki nan bolbe recauda fondo pa Scol Basico Dornasol. Pa motibo cu nan tin mas proyecto.

Scol Basico Dornasol ta un cluster di 4 school (e unico na Aruba) cu a habri su portanan dia 4 september 2017. E scol ta duna muchanan cu mester di un enseñanza special un oportunidad pa desaroya segun nan condicion.

Nan ta duna guia na muchanan cu tin un of otro problema psiquiatrico manera ADHD, autism y mas. Tambe problema di conducta severo y problema social, e muchanan aki ta haya atencion.

E scol tin un setting mas chikito, sin mucho zonido pa e muchanan no tin distraccion den klas. E maestronan tambe ta duna guia mas dirigi na e mucha cu mester atencion, pa e motibo aki un klas no ta consisti di mas cu 8

alumno.

Geerman a bisa cu locual a pasa cu tur biaha nan ta escohe un instancia, pero nan a wak cu den nan maneho por a bay dos biaha cu e mesun instancia y pa motibo cu nan a haya peticion pa cuminsa cu e proyecto.

Aña pasa nan a cuminsa bende ticket laat y a keda short pa motibo di contratiempo. Nan a dicidi un biaha mas pa yega e fondo di e scol y alcanza e meta di compra un bus, cu ta casi 100.000 florin.

E meta pa logra ta 50.000. Geerman ta splica cu no por bay mas ariba mirando e sitio ta pa 804 persona. Aña pasa a logra e suma y asina nan por yega na e totalidad pa compra e bus. E bus ta pa sirbi transporta alumno pa zwemles y luga rond Aruba cu lo ta den contexto di les cu lo ricibi na scol.

Tambe pa hiba mucha mas cerca di comunidad, pa nan por ‘wak kico tin di haci of hole’. Un experiencia cu e mucha no ta lubida. Manera den parti di zwemles ta importante pa nan haya oportunidad pa siña landa.

Idea pa nan tambe por bishita Santa Rosa pa planta mata, cria bestia of diferente actividad cu por lanta e curiosidad di e mucha y nan por haya in-



teres tambe stimula un mundo di conocimiento na e mucha ‘nos lo aprecia di pueblo di Aruba contribui cu nos’.

Pa durante evento, Geerman ta duna di conoce cu nan tin 30 taxi dancer, pa persona cu bay nan so tin un boluntario cu ta baila cu nan. E fiesta ta consisti di biña, cuminda y taxi dancer. Tambe lo conta cu tres banda local Robert Jeand’or, D’licious y Dj Ran-

dy.

Nan ta spera pa hende cera grupo y reserva nan luga. Ticket ta obtenibel miembro of team di Dornasol: Sharine Geerman 593-4249, Rosy Abreu-Vasco 592-6435, Journey Silonero 5681427, Anabella Campbell 562-0013.

Black Tie Foundation ta pidi pa adelanta si tin instancia cu ta interesa pa bin na remarca

pa manda nan carta cerca nan, tambe por yama pa mas informacion Sharine Geerman pa sa si ta cumpli doelstelling pa bin den remarca.

Si ta instancia cu mester placa cu nan mester pa edificio, mantencion of cualkier cu nan kier, por haci esaki. Tambe na persona cu no ta interesa pa bay e fiesta pero kier haci donacion por acerca.

Accidente pisa na Savaneta

SAVANETA - Diaranson den careda di 1or di marduga riba e caminda principal di Savaneta a sosode un accidente. Aki ta unda cu un auto a dal basta duro den cura di cas, e impacto aki a lanta full e bisinanan di e caya banda di Club Aries for di soño.

Ora cu habitantenan a sali bay wak nan a topa cu un auto totalmente destrui riba

caminda. A bay wak si tin hende y a topa cu un homber herida den e auto sinta na banda drechi di e vehiculo y a bati alarma.

Polisnan a yega di biaha y a cera caminda, a constata cu e vehiculo aki biniendo for di pabou e chauffeur a perde control pa un of otro motibo y a bay na su man robes pa despues dal basta duro contra e cura di cas y posiblemente

te hasta bolter debi e auto a keda full machica.

Personalnan di ambulance a haya ayudo di brandweer pa corta e porta di auto pa saca e victima pa e paramediconan atende cune. segun algun persona ta papia ey bou un otro vehiculo lo a dal esaki y bay. Esaki a pone cu specialista di polis mester a presenta pa haci nan investigacion pa determina kico a pasa.



Pickup a dal cinco carne

NOORD - Diaranson den careda di 11:30 mainta pa-truya di Noord a keda dirigi pa Yen Yen bar na Kamay, caminda cu un auto a dal cinco carne.

Na e sitio polis y roadservise a constata cu pickup bayendo direccion zuid, segun e chauffeur yegando unda

e carnenan tabata ta, a yega cerca esakinan a yega crusa caminda y pa ora cu el a brake ya ta laat.

Cuatro a keda na bida, pero net personal di Santa Rosa pasando a duna un man y a pone esun na bida drumi pa nan no sigui sufri. Polis a tuma dato di e sucedido.



Tanki di oxigeno a rementa riba homber

PALM BEACH - Diaranson merdia riba e tereno di Moomba Beach un homber tabata lastra un garoshi cu basta tanki di oxigeno riba dje, cual tabata usa pa un grupo cu ta dive, pero un boter a cay y e parto ariba a kibra y rementa riba e homber.

Debi na e impacto e homber a keda herida y foi tino un rato benta abou. Personanan a cuminsa yuda te ora cu polis y ambulance a yega. Paramedico a cuminsa atende cu e victima di biaha, stabilis'e na e sitio y a keda transporta pa hospital. Personal di DTI tambe a presenta pa haci nan investigacion y lo tuma e boter den confiscacion.



Auto a bolter na Hospitalstraat

ORANJESTAD - Diamars merdia riba caminda di Hospitalstraat ta sosode un accidente. Aki ta unda cu un Suzuki Vitara a dal den palo di luz bolter y dos dama hoben den e vehiculo a keda herida.

Despues cu personanan cu a topa cu e accidente y e auto memey caminda a bati alar-

ma polis a presenta na e sitio.

Polis a cuminsa yuda mientras cu ambulance a yega basta lihe, y aki paramedico a atende cu e prome mucha muhe y e di dos tabata pega den e auto, cu ayudo di brandweer a logra di saca e victima. E dos mucha muhenan a keda transporta pa hospital.



RECORDATORIO

Ultimo dia pa paga factura di coriente pa e luna di januari 2020 ta:

DIALUNA - 16 di maart 2020

POR HACI PAGO NA:

- Tur Banco Comercial
- Tur MFA
- WEB Aruba N.V.
- N.V. ELMAR

EVITA PARA DEN FILA LARGO Y PAGA ONLINE

Por favor menciona e number di cuenta cu ta aparece riba e factura di coriente como descripcion di pago.



ELMAR
—Redefining Energy—

523 7100 | customerservice@elmar.aw

WHO ta confirma coronavirus como pandemia



CHINA (BBC) – Organización Mundial de Salud (WHO) a declara e brote di coronavirus como pandemia. Hefe di WHO, Dr.

Tedros Adhanom Ghebreyesus a bisa cu e cantidad di caso pafo di China a aumenta 13 biaha durante ultimo dos siman.

El a bisa cu e ta ‘profundamente preocupa’ pa e falta alarmante di accion pa cu e virus. Un pandemia ta un malesa cu ta expandiendo den varios pais rond mundo na mes momento. Sinembargo, Dr. Tedros a bisa cu yama e brote un pandemia no ta nifica cu WHO ta cambiando su conseho riba kico paisnan mester haci. El a haci un yamado pa gobiernonan cambia e curso di e brote tumando ‘accion urgente y agresivo’.

Anteriormente, canciyer Aleman, Angela Merkel a adverti cu hasta 70% di e poblacion di e pais – alrededor di 58

miyon persona – por contrae coronavirus. E cantidad di caso confirma na Alemania a aumenta na 1,567 for di 1,296, segun instituto Koch di malesa infeccioso.

Na Italia, unda tin mas di 12,000 caso confirma, prome minister Giuseppe Conte a anuncia ceramento di scol, gym, museo, club nocturno y otro sitionan den e pais. Oficialnan di salud Italiano a bisa ayera cu e cantidad di morto a aumenta di 631 pa 827. Casi 900 persona cu e virus na Italia ta den cuido intensivo, segun cabesante di emergencia di WHO, Dr. Michael Ryan.

Ryan a bisa cu e situacion na

Iran – unda tin 354 morto entre 9mil caso – ta ‘hopi serio’. WHO a manda 40mil kit di test na Iran pero ainda tabatin escasez di ventilador y oxigeno.

Francia a bisa cu tabatin 48 morto na e pais, un aumento di 15 diamars. Tin 2,281 caso confirma. Restriccion vincula cu coronavirus ta extendi pa dos area mas, segun minister di Salud Frances.

Varios pais, incluyendo Suecia y Bulgaria como tambe Republica di Irlanda, a registra nan prome morto, mientras e cantidad di caso confirma na Qatar a aumenta di 24 na 262.

Weinstein sentencia na 23 año pa abuso sexual

NEW YORK (AP) – Harvey Weinstein a keda sentencia na 23 año di prison pa violacion y agresion sexual, algo cu e cantidad di acusador di e mogul di Hollywood a kere cu nunca nan lo mira.

Weinstein, acusa di viola decenas di muhe, a keda declara culpabel pa viola un actriz den un camber di hotel na New York na 2013y di sexo oral forsa cu ex- asistent di television y cine Mimi Hiley na su apartamento na 2006. E tabata enfrente un maximo di

29 año den prison.

Ambos muhe a confronta Weinstein na corte despues cu nan testimonio a yuda seya su condena durante e historico huicio. “Violacion no ta solamente un momento di penetracion. E ta pa semper”, segun e acusador di 2013.

AP tin un politica di no nombra victima di abuso sexual sin consentimiento. E victima no a keda identifica.

Weinstein ta insisti cu cualkier actividad sexual tabata

cu permiso. E no a muestra ningun tipo di reaccion pa sentencia. Anteriormente el a kibra su silencio den corte cu un suplica pa piedad den cual el a bisa cu su ‘empatia a crece’ desde su caida. El a bisa corte cu e ta ‘arepentí pa e situacion’.

Mas di 90 muhe, incluyendo Gwyneth Paltrow, Salma Hayek y Uma Thurman, finalmente a presenta pa acusa Weinstein di abuso y acoso sexual. Otro tres caso di abuso bou investigacion di departamento di polis di Los Angeles



y polis di Beverly Hills por nifica cu lo confronta cargo

adicional. No a proporciona detaye di e casonan aki.

Turkia ta priminti accion militar fuerte si viola acuerdo na Siria

ANKARA, Turkia (AP) — Presidente Turco, Recep Tayyip Erdogan a priminti ayera cu su ehercito lo

lansa e represalia di mas fuerte te awo si gobierno Sirio kibra un acuerdo fragil di cese al fuego cu a

acorda na provincia Idlib siman pasa.

E cese al fuego regla pa Turk-

ia y Rusia – cu tabata apoya banda opuesto den e conflicto – a stop un campaña aereo y terestre di tres luna di gobierno Sirio contra e provincia teni pa rebelde. E ofensiva aki a cobra bida di centenares y a manda 1 miyon persona huyendo na frontera Turco.

Ofensiva di gobierno Sirio cu sosten di Rusia a haci logronan significativo den e ultimo sede rebelde, y Turkia a manda miles di tropa door di e frontera pa reforsa e rebelde, conduciendo na un inusual lucha entre tropanan Sirio y Turco.

“Si esunnan na otro banda no cumpli nan promesa, nos nunca lo hala atras di avansa riba nan den un forma hopi mas serio cu antes”, Erdogan a bisa durante su discurso semanal na legisladonan di su partido gobernante.

Erdogan a bisa cu tabatin un cantidad di violacion chikito di e acuerdo, cual Turkia ta monitor cuidadosamente.

El a bisa cu prioridad di Turkia lo ta seguridad di su tropanan a cargo di un decena di post den Idlib. Algun di e postnan aki awo ta cay den territorio controla pa gobierno Sirio. E postnan aki ta na luga como parti di un acuerdo anterior di cese al fuego alcanza na 2018.

Erdogan a agrega cu Turkia ta ocupa den esfuersonan pa converti e cese al fuego den un acuerdo mas duradero. Minister di Defensa, Hulusi Akar a bisa reporteronan cu negociacion cu un delegacion Ruso riba e detayenan di e acuerdo tabata progresando den un forma ‘positivo y constructivo’. E delegacion a yega diamars.



Buki 'Conoce Bo Isla' di Dina Maria a bira realidad

ORANJESTAD – Diabierna ex colega di Bon Dia Aruba, Dina Maria a presenta e prome di un serie di buki di Conoce Bo Isla. E acto aki cu a tuma lugar na Biblioteca Nacional Aruba (BNA) a conta cu presencia di minister di Enseñansa, Rudy Lampe, miembronan di nos parlamento y invitadonan en general.

Dina Maria ta un persona cu den pasado a wordo reconoci pa su labor filantropico na bienestar di nos comunidad. E tabata miembro activo di organisacion Amnistia Aruba, y tambe di fundacion E Faro cu tabata duna apoyo na e pashentnan victima di AIDS.

Conoce Bo Isla ta un proyecto cu Dina Maria tin añanan trahando riba dje y cu finalmente el a logra bira realidad cu ayudo di Unoca. E atardi di presentacion Dina a expresa su emocion bisando: "Mas orguyoso mi no por ta." Ademá e tabata feliz di por contribui cu su obra na Aruba, specialmente riba e parti educativo. El a gradici tur hende

cu a contribui pa finalmente su prome buki di Conoce Bo Isla por a bira realidad.

Lampe a splica den su discurso di gradicimento pa Dina Maria su trabou cu su obra ta un tremendo contribucion pa nos sistema di enseñansa. E mandatario a bisa cu nos muchanan tin hopi material riba tereno internacional, pero no tin mucho material na Papiamento tocante nos cultura. E ta haya cu e serie di e obra Conoce Bo Isla ta trata diferente aspecto: historia, idioma, flora, fauna, proverbionan, etc... Pues e mandatario ta consider'e como un contribucion grandi pa e formacion di nos muchanan pa conoce nan isla y nan contexto.

Parlamentario di MEP, Shailiny Tromp-Lee a bisa cu den e presentacion aki a keda enfatisa cu nos falta hopi pa loke ta trata obranan literario na Papiamento. E hecho cu e buki aki a wordo traha den forma di puzzel cu variedad di informacion relata na nos isla, e parlamentario ta aplaudi cu autor manera Dina Ma-

ria ta tuma e curashi di cana e caminda difícil di bin cu su obra.

Sinembargo el a bisa cu e 'obra final sigur ta agrega na e bahul literario di nos dushi Papiamento'. E ta spera cu e perseverancia cu Dina Maria tabatin pa realisa su obra por bira un modelo pa otro hendenan cu ta cana cu e idea, pa no lag'e gewoon na un idea y concretis'e berdaderamente.

Igualmente directora di BNA, Astrid Britten a ricibi cu sumo placer e lansamento di e buki aki na bispo di e fecha di 7 di maart ultimo, caminda un aña pasa nan a lansa nan plataforma digital. Además e presentacion di e buki di Dina Maria a tuma lugar net den e luna di nos cultura den cuadro di celebracion nacional di Himno y Bandera. Pero Sra. Britten tabata contento pasobra a wordo scoge BNA pa lansa e bunita publicacion aki. E ta haya cu e buki aki ta destaca sitionan di nos islanan cu no solamente ta sitionan turistico. Además e ta duna informacion adicional di e sitionan cu Sra. Brit-

ten ta haya digno di aplaudi y tambe di forma parti di nan coleccion.



Advertorial

Pueblo di Aruba ta invita pa forma parti di un arte mural den festival 'BIBO':

Renaissance Marketplace ta presenta 'BIBO' pa 2 dia di celebracion Himno y Bandera



ORANJESTAD – Aruba ta pendiente pa celebra su Himno y Bandera y specialmente pa e ocasion aki Renaissance Marketplace lo organisa un evento titula, BIBO! Musica, dushi cuminda,

baile y arte- tur den 2 dia di festival!

E espiritu artistico Arubano lo ta centro di atencion y via di esaki lo ofrece comunidad di Aruba un evento realmente unico. Dos artista

Arubano lo crea un 'outline' riba un muraya di manera cu bishitantenan lo por pinta esaki riba dianan 17 y 18 di maart venidero y duna e arte bida.

Un mural cu un nificacion nacional:

Di acuerdo cu representante di Renaissance Marketplace, e idea pa e mural ta debi cu rond mundo comunidadnan ta expresa nan cultura, y vision pa nan pais riba mural(nan) grandi. Ta e deseo pa Aruba haci esaki riba dianan 17 y 18 di maart den 'BIBO'. Ta e intencion pa e festival ta un experiencia unico pa tur cu lo forma parti di dje. Colornan vibrante lo keda uza pa duna e dibuho bida y di e manera ey immortalisa e esfuerso di tur cu a coopera pa haci e mural un obra di arte. E echo cu ta haci'e riba dia di nos Himno y Bandera ta dun'e un nificacion adicional ya cu esaki lo mester ta un esfuerso nacional.

Aruba ta bon bini na BIBO: 2 dia, 2 banda, 1 celebracion!

Ambiente di Himno y Bandera ta cuminsa ya for di dia 17 di maart parti anochi cu presentacion di Grupo di Betico y dia 18 di maart lo tin presentacion di Rincon Boyz, combina cu bailenan folklorico, diferente actividad pa mucha, un Dino Jump, suikerspin y popcorn pa tur mucha pasa un rato contento cu nan mayornan. E mural lo keda exhibi den e 'gang' di Renaissance Mar-

ketplace. Tur hende ta keda invita pa haci e festival un exito total. Lo tin verf disponibel pa tur cu kier forma parti di historia riba dianan 17 y 18 di maart. Lo cuminsa pa 5'or di atardi y ta programa pa termina 10:30 di anochi. Renaissance Marketplace ta invita comunidad di Aruba pa haci un paseo, sinta y come platonan autentico Arubano na un di e diferente restaurantnan den Renaissance Marketplace y disfruta di un dushi ambiente den famia.



Muchanan di Scol Pius X a duna presentacion di bienestar animal

ORANJESTAD – Muchanan di scol Pius X a tene un fundacion tocante Luna Foundation, un fundacion encarga cu educa nos muchanan tocante bienestar animal.

E fundacion ta insisti cu conscientisacion ta e clave pa combati maltrato y negligencia di animal riba nos isla. Meta di e fundacion na luga di rescate ta pa preveni cu lo tin mascota mal cuida of hasta bandona. Durante e presentacion e muchanan a duna informacion riba meta y maneho di e fundacion, cu ayudo di un cacho.



Advertorial

Libera bo potencial na Universidad di Aruba!

Na unda: Na e 'Open House' di Universidad di Aruba.
Ki dia: Diahuebs, maart 26 di 6:00 – 9:15 P.M.

Ken: ABO!

Universidad di Aruba ta invita bo cordialmente pa haya un caminda pa bo futuro.

Na nos 'Open House' lo bo tin e oportunidad di haya bo mes den un di nos diferente facultadnan. For di eynan lo bo descubri loke ta tuma bo pa yega unda abo kier ta den bida.

Nos profesornan, conseheronan y guianan di estudiante lo ta presente pa contesta tur bo preguntanan y pa duna bo un bista den e mundo di educacion superior.

Nos ta ofrece orario flexibel teniendo cuenta cu studiantenan cu ta traha y nos ta orguyoso di ta ofrece educacion excepcional pa tur hende. Bin pa bo mira kico UA por haci pa BO.

Nunca ta laat pa cuminsa cu un bida completamente nobo, bo mester solamente cuminsa move den e direccion correcto.

Bin mira loke bo ta logra na UA. PA mas informacion bishi-ta nos website ua.aw, nos Facebook page of Instagram.



MI-FI Device GRATIS!

Activa e MIFI Plan ILIMITA di 30 dia pa ~~Afl 149~~ Afl 119



www.digicelaruba.com

Digicel

Miembronan di CasMarie a disfruta di un mainta cu actividad

ORANJESTAD - Ayera famia di CasMarie a disfruta parti mainta dushi di e aire fresco di mainta cu un dushi holo di BBQ, tambe nan a hunga domino y diferente otro actividad.

Pa merdia e miembronan di CasMarie a disfruta manera un famia di e dushi plato di BBQ.



Serlimar

Den luna di maart clientenan di Serlimar lo ta ricibiendo un carta di demanda (aanmaning) pa e pago di e tarifa residencial 2019. Encarecidamente cancela pagonan atrasa di 2019 lo antes posibel y asina evita demas paso.

Si acaso abo como cliente a paga caba, por considera e carta di demanda (aanmaning) no manda.
Pa mas informacion por jama Serlimar na 5245080 of mail na info@serlimar.com cu bo nomber, adres, number di telefoon.



Fanatico di PSG ta reuni pafo di stadion a pesar di prohibicion



PARIS (AP) — Fanaticonan di Paris Saint-Germain a concentra pafo di stadion di e club pa sosten

tene e hungadonan prome cu nan wega di ultimo 16 di Champions League contra Borussia Dortmund ayera.

A hunga e partido na Parc des Princes den un stadion bashi pa motibo di brote di coronavirus. Cantidad di deporte y otro eventonan rond mundo ta afecta pa e virus, conduciendo na eventonan tumando luga sin presencia di fanatico.

A pesar cu no a permiti nan paden, alrededor di 3mil fanatico di PSG a concentra pa muestra nan sosten pafo di Parc des Princes.

Despues di un reunion algun ora prome cu e wega a cuminsa, nan a cana na e stadion

mientras nan tabata canta y aplaudi, detonando pyrotecnia ora cu e bus di e team a yega y lorando esaki den un huma ros.

A permiti nan pa pone tres borchis paden di e stadion, cu e mas grandi bisando 'Nos unico virus ta PSG'.

Imagen di fanatico cantando pafo a aparece riba un pantalla gigante den e stadion, pa asina e hungadonan por mira e nivel di sosten pafo. PSG tabata 2-1 di e prome leg na Alemania.

E partido a cuminsa pa 9pm ora local, fanaticonan pafo a tira klapchi den shelo di anochi.

E fanaticonan a sigui canta durante prome mita di e partido, cual den algun forma tabata parce un sesion di training cu hopi zonido. Voz di e hungado y coachnan tabata reverbera den e stadion mientras tabata curasha otro of grita instruccion, of ora e referee tabata interveni pa papia cu e hungadonan.

Coach di PSG, Thomas Tuchel a papia brevemente prome cu e wega tocante e sentimento di hunga den un stadion bashi. "Ta straño, ta horibel", el a bisa riba BFM TV. "Mi sa tin cosnan mas importante cu futbol... pero e cos mas importante den futbol ta e relacion entre hungadonan y fanaticonan."

Organisado di Tokyo2020 ta rechasa retraso di e evento

TOKYO (AP) — Presidente di comite organisado di Olimpiada di Tokyo a bisa ayera cu el a ricibi un disculpa di un miembro di hunta ehecutivo kende a bisa cu mester retrasa Olimpiada 2020 pa un año of dos, pa motibo di coronavirus.

Yoshiro Mori a convoca un conferencia di prensa rapido na sede di e comite pa rechasa e comentarionan. "No tin plan awo pa cambia nos plan", Mori a bisa. E tabata referiendo na comentarionan di Haruyuki Takahashi reporta den Wall Street Journal. "Mi a papia cu sr. Takahashi y el a disculpa", Mori a bisa.

Mori a bisa cu Takahashi ta-

bata papia pa su mes. Takahashi no ta involucra den e maneho diario di comite organisado, cual ta dirigi pa Mori y CEO Toshiro Muto.

Olimpiada di Tokyo ta menasa pa e brote di coronavirus. Organisadonan y Comite Olimpico Internacional (IOC) a insisti cu e weganan lo tin apertura dia 24 di juli segun schedule, cu Paralimpiada dia 25 di augustus.

Cualquier opcion otro cu cuminsa segun schedul – si e virus permiti – ta yen di problema.

Contract di IOC cu Tokyo ta dun'e casi control absoluto riba cancelacion sin castigo pa kibra termino di contract. Tin un fondo di reserva di alre-

edor di \$2 biyon pa mantene te cu proximo Olimpiada, y tambe tin seguro di cancelacion. Retraso di un año of dos, manera Takahashi a sugeri, lo mira Olimpiada competi cu eventonan cu ya ta programa den un kalender preta di deporte mundial. Incluyendo Olimpiada di Winter 2022 na Beijing, y Mundial di futbol na Qatar e mesun año.

Cualquier retraso tambe lo afecta transmisornan manera e canal Mericano, NBC, cu ta pagando mas di \$1 biyon pa e derecho na Tokyo 2020. Ta conta igual pa patrocinadonan. Derechonan di transmision y patrocinio ta conta pa 91% di entrada di IOC.

Miembro senior di IOC,

Dick Pound a bisa luna pasa den un entrevista cu AP cu e cuerpo Olimpico tin te alrededor di fin di mei pa dicidi si lo bay door – of algo otro. El a bisa cu cancelacion por ta e opcion mas probabel.



E pareha tin tres yiu cu otro

Ex- pareha di Floyd Mayweather Jr haya morto

SANTA CLARITA, Calif. (AP) — Un ex- pareha di boxdo Floyd Mayweather Jr., kende tabata mama di tres di su yiunan, a ser haya morto den un subur-



bio di Sur California, segun autoridadnan.

Oficina di hues di prome instancia a confirma diaranson cu e muhe tabata Josie Harris, segun sheriff di condado di Los Angeles, Alex Villanueva a bisa KABC-TV.

A haya e muhe poco prome cu 10pm diamars den un vehiculo estaciona dilanti di su aparente residencia net pafo di ciudad di Santa Clarita, y bomberonan a pronuncia su morto, segun departamento di sheriff.

Investigadonan y oficina di

hues tabata trahando pa determina e causa di morto, segun Villanueva, cu lo dura algun tempo.

Na 2010, Harris a acusa Mayweather di atak'e na Las Vegas. E siguiente año el a declara su mes culpabel di un cargo reduci di delito y a sirbi dos luna den prison.

Na 2015, Harris a demanda Mayweather pa difamacion y infliccion intencional y negligente di angustia emocional como respuesta na declaracionnan cu el a haci tocante e incidente durante un entrevista.

Durante su respuesta na preguntanan tocante violencia domestico, Mayweather a bisa: "Mi a scop y dal un persona? No, esey no a pasa. Mi ta mira den bo cara y bisa 'No, esey no a pasa'. Mi a contene un persona cu tabata droga? Si, mi a hacie. Pues si nan ta bisa cu esey ta violencia domestico, bo sa kico? Mi ta culpabel di contene un persona."

Na 2018 un corte di apelacion na California a duna veredicto contra obhecion di Mayweather y a permiti e demanda pa procede.

PSV Eindhoven ta contrata Roger Schmidt como coach pa proximo temporada

AMSTERDAM (AP) — PSV Eindhoven a contrata Roger Schmidt como coach ayera pa proximo temporada, reemplasando coach interino, Ernest Faber.

Schmidt, di 52 aña di edad, kende a gana un reputacion pa curasha futbol energetico y di atake na Red Bull Salzburg, Bayer Leverkusen, y e team Chines, Beijing Guoan, a firma un contract di dos aña. No a revela terminonan financiero.

Faber lo resumi su antiguo rol liderando PSV Academy despues di e temporada aki. El a reemplasa Mark van

Bommel, kende a ser retira na december cu e team na di cuatro luga.

PSV ainda ta na di cuatro luga, shete punto tras di Ajax y AZ Alkmaar, cada un cu a hunga un wega menos.

“Mi semper tabata captiva pa e encanto di futbol Hulandes, y mi ta anticipando pa explora un ambiente nobo”, Schmidt a bisa den un declaracion riba website di PSV. “PSV completamente ta apoya e estilo di hugada cu mi tin den mente. Y ami ta sostene completamente e deseo di PSV pa gana pisanan di silver.”



Royer promete musher pa alcanza McGrath



ANCHORAGE, Alaska (AP) — Un musher a alcanza un logro den Iditarod y a ser recompensa cu premionan traha di beaver y moose. E musher mas bieu di e careda a retira. Y un cuatro-biaha campeon a haya su mes den controversia cu canabis un biaha mas.

Paige Drobney, un nativo di Pennsylvania bibando na Cantwell, Alaska, a tuma e bentaha ayera den Iditarod Trail Sled Dog Race. E tabata e prome musher pa sali di e

checkpoint na Ophir.

Drobney a laga Ophir apenas seis minuut dilanti di e musher den segundo luga, Michelle Phillips di Tagish, Yukon, Canada.

Musher di Fairbanks, Jessie Royer tabatin e bentaha laat diamars, y tabata prome musher pa alcanza e checkpoint na McGrath. Pa e logro aki, el a ricibi obhetonan traha pa residentenan di McGrath, incluyendo musher's mitts traha di cuero di beaver y black moose, adorna cu es-

tilo Athabaskan.

E mitts a ser diseña y traha na man pa Loretta Maille. Royer tambe a ricibi un musher's hat traha di un beaver cu Gary Egrass a trapa y diseña, y cu su esposa Rosalie a cose.

E musher mas bieu di e careda, patologo retira di 79 aña, Jim Lanier a retira di e careda diamars anochi na Rainy Pass pa preocupacion pa su propio bienestar, oficialmente di Iditarod a bisa. Lanier inicialmente no a ser permiti pa drenta e

careda e aña aki, cu oficialmente preocupa pa su habilidad di cuida su team di cacho. Mas di mil persona firma un peticion pa Iditarod permitie competi den e careda pa un di seis decada. El a core su prome careda na 1979. Lanier no a core aña pasa, pero den careda di 2018, musher Scott Janssen a topa Lanier na fin di e careda y a hay'e pega y ta cuminsa freeze. Lanier a bisa cu esey tabata exagera, cu e djis no por a pone su mes y su team sigui.

Cuatro-biaha campeon Lance Mackey di Fairbanks tabata coriendo na di cinco luga. The Anchorage Daily News a reporta ayera cu Mackey ta dunando su cachonan azeta di CBD, cual e ta bisa ta mehora nan tempo di recuperacion. Mackey a bisa e corant cu veterinario di e careda, Stuart Nelson, a pidie pa no duna azeta di CBD na su cachonan, pero Mackey a nenga pasobra e substancia no ta riba e lista di substancia prohibi segun reglanan di

Iditarod.

E mercado pa CBD pa mascota a explota, cu algun gabando beneficienan di salud pa trata atake y maneho di dolor, pero gobierno federal ainda mester establece standardnan pa CBD.

Mackey ta un sobreviviente di cancer kende a reconece uso di marijuana medicinal durante su racha di cuatro aña di victoria consecutivo cuminsando na 2007. Iditarod eventualmente a prohibi uso di marijuana pa musher na 2010, cual Mackey a bisa tabata pasobra otro musher nan tabatin zelos di su victorianan. Mackey a gana su di cuatro campeonato na 2011, despues cu a institui prohibicion riba marihuana.

Ophir ta 566km den e careda di casi 1000km a traves di Alaska. Retiro di Lanier ta laga 56 musher den e careda, cu ta spera e ganado na Nome proximo siman.





Elliott Loonstra a gana medaya di plata na Weganan Paralimpico

ORANJESTAD - E atleta Paralimpico di Aruba, esta Elliott Loonstra a logra un medaya di Plata den e clasificatorio pa e Weganan Paralimpico Tokyo 2020. Elliott a logra yega e gran final unda e mester a enfrenta Francisco Pedroza di Mexico, cu ta rank number 7 di mundo compara cu Elliott na number 23. Elliott Loonstra ta keda cortico pa e Weganan Paralimpico Tokyo 2020

Mester bisa cu a pesar cu Elliott a bringa bon y duna un bon bataya e la cay venci cu e score di 31 - 9. Pa Elliott esaki tabata e miho pelea bringa den e dos añanan practicaando Taekwondo. Di 5 torneo internacional Elliott a logra gana 3 medaya. Elliott ta contento cu su pelea, tur hende a bis'e cu e la bringa tremendo y cu corahe, e palabranan ey ta duna corahe pa e sigui traha duro. Segun entendi Elliott y su coach Mazzeo lo por pidi un posible wild card pa asina toch logra yega e Weganan Paralimpico Tokyo 2020.



Divianne Koolman lo busca clasificacion pa Weganan Paralimpico Tokyo

ORANJESTAD - Diamars anochi nos a bishita Piscina Olimpico Roly Bisslik na unda a encontra cu e atleta Paralimpico Divianne Koolman cu pronto lo biaha pa Sao Paulo, Brasil unda e lo ta competiando den un evento clasificatorio pa e Weganan Paralimpico Tokyo 2020.

Den un combersacion sosteni cu Divianne como tambe coach Keila Geerman nan a conta nos cu e entrenamentonan ta bayendo bon y nan tin un bon sentimento pa loke ta e competencia clasifi-



catorio na Brasil. Divianne ta desaroyo su mes den bon forma y cada bes mehorando su tecnica. Henter e ekipo di

Stichting Sportsz 4U como tambe su famia ta su tras y esey ta un apoyo y sosten hopi grandi mes.

Stars campeon junior Center League 2020

ORANJESTAD - Recientemente e ekipo di Stars a titula campeon di junior Center League 2020.

Den un duelo di picheo entre Joenelly "Jojo" vd Linden y Antron Franken di Flatstone/Rockets di e ekipo Stars, cu dos hit clave di Reghell Koolman y Narvin Meyer ta gana cu score minimo di 1-0.

Y asina a gana e wega decisivo pa e campeonato di Junior League di Aruba Center League.



Pabien na tur e hungadonan, e coaching staf, e mayornan y

e fanaticada di Stars Organization.

Torneo internacional Aruba Himmo y Bandera celebrando 25 aña



ORANJESTAD - E organizacion di futbol infantil LIFIDA bou liderazgo di e incansabel, Jose Wever alias Buchi Panama lo organisa e aña aki nan di 25 torneo internacional di futbol infantil Himmo y Bandera. E torneo lo tuma luga e dianan 14 - 18 di maart proximo.

E aña aki 3 pais lo competi contra di otro esta Corsou, Colombia y Aruba. Lamentablemente tanto Boneiro

y St. Maarten a bisa mucho laat cu nan lo por bini Aruba. Mas cu claro e seleccion ta bon prepara pa e torneo aki. E muchanan tin 1 aña ta prepara y a hunga algun wega di fogueo den exterior. Tin pleno confiansa cu Aruba lo duna un bon papel den e torneo aki.

Diasabra 14 di maart Aruba lo enfrenta Colombia pa 6or di atardi mientras diadomingo 15 di maart Colombia lo enfrenta Corsou pa 6or do atardi. Dialuna 16 di maart

Aruba lo enfrenta Corsou. Diaranson 18 di maart e dos finalistanan lo hunga contra di otro esaki pa 6or. E diasabra 14 di maart pa 5.30 lo tin e Ceremonia di Apertura. Ta bon pa bisa acerca cu lo tin algun wega di Aruba mes esaki den Damas dialuna 16 di maart RCA vs La Fama. Diamars lo tin wega den juniorren Estrella contra Britannia.

Tur e weganan lo tuma luga den Centro Deportivo Frans Figaroa na Noord.

Melvin Tromp (AVP):

‘Minister Presidente ta pidi sinceridad pero no tabata sincero cu pueblo’

ORANJESTAD - Ora Mike Eman y AVP ta papia, Evelyn ta scucha, ya cu e no por biba sin AVP y sin Mike caminda semper cu Evelyn papia, nomber di Mike mester ta den su boca. Miembro di partido AVP, sr Melvin Tromp a mustra cu esaki a keda demostra dialuna mainta ora cu den oranan tempran di mainta, e lider di AVP a dirigi su mes na pueblo relaciona cu otro pakete di medida pisa cu ta na caminda.

Apenas un ora despues cu Mike Eman a caba cu su conferencia di prensa, Minister Presidente Evelyn Wever Croes ta reacciona riba e lider di AVP indicando cu e ta hasta lanta mainta y scucha y pensa riba su rival politico.

“Loke ta mas impactante ora cu scucha Prome Minister Evelyn Wever Croes papia di sinceridad, caminda e ta sugeri pa Mike Eman ta sincero cu pueblo, tur hende ta puntra ta di unda e ta saca e curashi aki, ya cu no ta mesun Evelyn aki a priminti pueblo solucion financiero sin medida?”

No ta mesun Evelyn di MEP aki y su gobierno a priminti pueblo un gobierno di shete minister pero awe nan ta casi 10 ya cu ta loke Otmar Oduber cu tin dos asiento a existi esaki?

Ta mesun Evelyn aki su gobierno a priminti pueblo reduccion di tarifa di awa y coriente, reduccion di gasolin pero den prome lunanan, a aumenta accijns riba gasolin y awor cu su pakete nobo di medida, pueblo ta bay ta garantiza un aumento di prijs di awa y coriente. Tambe no ta mesun Evelyn aki y su gobierno a sigura pueblo cu lo elimina hedging asina cu e drenta den gobierno pero mester a bira hedge rapidamente y awe cu prijs di bari di petroleo a baha drasticamente, Evelyn su hedging no ta permiti pueblo saca probacha di e reduccion aki!

No ta un Minister di Evelyn su gobierno a sigura y priminti pueblo cu lo aumenta di salario minimo ya cu e ‘bestandsminimum’ ta mucho mas halto cu awendia un famia di cuater no por biba cu 2000 pa luna.

Ta Evelyn e Prome Minister tambe a sigura pueblo cu si tin 1% di probabilidad, e lo habri e refineria di San Nicolas bek, ya cu e tin cantidad di compania para den rij ta warda pero awe e mes a tuma yabi di e refineria y ta laga cera e refineria.

Simplemente nos ta conclui cu Evelyn no por papia di sinceridad sigura ora cu e ta un persona no sa kico nifica sinceridad.

Den su afan pa sconde su medida, awor Evelyn ta papia di prestamo cu gobierno di AVP a haci y cu su gobierno tin cu paga bek pero na 2009 gobierno di MEP a laga e pais aki na rand di bancarota, cu un fondo di pensioen yegando su fin, cu scolnan tur decai y muchanan sin proteccion.

Un infraestructura cu ya no tabata cumpli cu exigencia di comunidad y un centro di Oranjestad domina pa chollernan pero caminda e unico cu a probecha di centro di ciudad e tempo ey, tabata un famia di Prome Minister cu huurmento di un hotel cu tabata den mal estado y afgekeurd pa DOW.

E tempo ey gobierno di MEP a laga un pueblo acosa pa BBO cu a percura pa mas pobreza y hendenan sin trabou, cu problemanan tur caminda, cu trahadonan publico sin haya loke nan tabatin derecho ariba.

Evelyn tin cu corda y mester por corda tambe cu, den e placa cu gobierno di AVP a presta pa drecha e pais, tabatin e suma di 23 milyon inclui, cu ta placa cu su famia a saca for di caha di pueblo cu huurmento di edificionan, cu diferente contract lucrativo y otro maniobranan financiero haci pa gobierno di MEP pa enriquece famia y amigonan.

Un prestamo cu tambe a yuda pa cubri miyones cu oficina di Papa a saca for di caha di gobierno, caminda miyones ta cay pa su yiu muhe kende tambe tabata traha cu e oficina di Papa.

Awe Evelyn ta birando un declarado di poesia, caminda den un idioma amoroso, ta trata di convence pueblo cu mas medida ta na caminda y cu pueblo tin cu haya esaki normal ya cu despues cu su gobierno a ranca 260 milyon



caba, su gobierno tin mester saca 100 milyon mas den presupuesto nobo.

TUR hende cu scucha Evelyn papia dialuna mainta, a realisa cu na ningun momento ni un solo bes, Evelyn a duna pueblo algo, bek, no a duna pueblo sikiera un florin bek, no a duna pueblo un aumento di onderstand, tampoco un aumento di reparatie toeslag, ni sikiera un aumen-

to di salario minimo.

Evelyn no a bin dilanti y bisa cu awor cu el a saca miyones for di WEB, e prijs di awa y coriente ta bay baha pa pueblo pero lamentablemente esakinan lo subi ainda mas pa motibo di miyones cu Evelyn su gobierno a saca for di e compania di pueblo aki

Evelyn tin cu realisa su mes bon realmente cu e unico

solucion real cu e por duna pueblo awor aki, ta di bay Gobernador y entrega retiro di su gabinete y salba pueblo asina di e desaster di medida cu su gobierno kier introduci den proximo dianan.

Bay laga gobernacion pa hendenan cu sa goberna, hendenan cu tin pueblo na pecho y kendenan tin solucion pa pueblo,” Melvin Tromp di partido AVP a declara.

Parlamentario Jennifer Arends-Reyes (AVP):

‘E reforma fiscal ta basicamente mas aumento di impuesto pa Aruba’



ORANJESTAD - segun sra Arends-Reyes realidad ta cu Aruba ta ‘overtaxing’ tur cu ta purba biba dignamente na Aruba cu consecuencia cu Aruba su costo di bida a bira desproporcional na locual cu ta entrada di famianan na Aruba cu tur su consecuencianan, awor e balans

ey ken ta responsabel pa mantene?

E gran reforma fiscal e resulta di ta un pakete di medida cu ta beneficia gobierno so. Entradanan presupuesta cu mester drenta den e proximo 8 lunanan ta e.o. 15 miyon na permiso pa cultiva cannabis cual ta muestra mas un stunt

politico cu francamente no ta muestra realisabel, caminda gobierno practicamente ta bira dealer di ‘droga’ ilegal of lo mester decriminalis’e pa plantacion pa esunnan cu ta dispuesto pa paga sumanan miyonario so, aumento di 6% di bbo na entrada, aumento di haci negoshi basa riba importacion y foreign exchange,

cual 99% di tur nos produccion ta importa sin lubida e e-commerce cu ta algo cu Aruba tawata kier a continua di amplia, awor ta wordo desencurasha fuertemente. E inflacion y costo di bida lo bolbe subi of e negoshantenan lo absorbe un aumento mas?

Hecho ta cu costo di bida lo aumenta y ta parce cu sindicatonan a ‘give up’ despues cu nan no ta haya oido y no a continua mes mas pa busca derechonan di nan miembronan. E cifranan di problemanan social a aumenta durante e ultimo añanan di gobernacion di Mep-Por-Red y e fondonan no ta yega ni cu 36 miyon pa inverti si e cifranan ta muestra aumento enbes di reduccion. E veld social no por yuda optimal siendo cu famianan ta pasando den temponan dificil. Por tum’e criticanan real aki con cu kier pero tur locual cu AVP a bin ta vocifera y premira di lunanan adelanta ta pasando awor ta e ora pa Parlamento para e desaster entre otro di exige 35 miyon di ATA sin conta si lo pidi di fondonan di emergencia tambe y riba dje kier cambia ley pa ATA y AHATA nan man ta bon mara y nan a haya como stakeholdersnan principal un ‘slap in the face’ cu nan no tin mucho mas di bisa riba e rumbo di Turismo. E ta un ‘fast ball’ di e gobierno actual mirando cu AHATA a duna ATA e confiansa pa ta e autoridad encarga cu mercadeo di nos Turismo y awor gobierno ta pone metaforicamente bisa tur dos sinta den un huki pareu, cortando riba mercadeo y aumentando tur costo memey di un ‘perfect storm’ cu efectonan devastador pa nos na Aruba cu ta depende di Turismo sra Arends-Reyes ta termina bisando.

Partido MEP:

‘E unico pakete cu tin ta e pakete di locura di Mike Eman’

ORANJESTAD - Mike Eman ta keda un individuo cu por sorprende hende ainda cu su locura y gañamento. Mike Eman, mirando cu nos ta drentando den aña di eleccion, ta sigui tira tur e responsabilidad di su mal maneho riba e gobierno cu ta gobernando actualmente. Mike Eman hunto cu integrantenan di AVP ta bay todo por todo pa bin bek un proximo gobernacion pa sigui comete nan fechorianan mirando cu Gabinete Wever-Croes ta poniendo finansas publico na ordo un biaha despues di un desaster financiero di Partido AVP.

Hecho ta, cu Mike Eman a goberna pais Aruba a lo loco creando un debe di 2 biyon florin den apenas 5 aña, redoblando esaki, mientras cu den 23 aña prome cu Mike Eman, e debe tawata na 2 biyon. Y esaki ta e realidad cu e Gobierno di Evelyn Wever-Croes ta enfrentando.

E momento cu Mike Eman a hinca e locura grandi den su cabezas pa crea un debe sin sa con e lo bay paga, Mike Eman a crea un problema pa nos pais.

E momento cu Mike Eman a hinca e locura den su cabezas pa pone estabilidad financiero di nos pais den peligro, el a introduci su pakete di medida

pa nos pueblo creando un problema pa nos pais.

E momento cu Mike Eman a bin cu su pakete di medida pa nos pueblo sin consulta cu niun hende y saca cada medida manera ladron di anochi, el a sigura tambe cu cualkier gobierno cu a sinta despues di 2009 pa 2017, lo mester a busca e miho manera pa maneha e situacion financiero y lora manga y traha na bienestar di nos pueblo.

Ta lamentabel cu awe, Mike Eman sin sikiera pone un saco di papel riba su cara pa tapa su sinberguensura door di a causa e pueblo aki un daño asina grandi, e ta cana bisa pueblo cu Aruba tin debe

grandi. Mike, ta abo mes a crea e debe grandi aki cu bo pakete di locura.

E momento cu Mike Eman a anuncia cu el a crea e debe gigantesco y e lo bay paga cu orguyo, Mike Eman, sin bisa e pueblo, el a anuncia silenciosamente cu e orguyo aki lo bin for di saco di pueblo, pasobra e realidad amargo ta cu mester paga. Y awe, pa salba Aruba di bay bancarota, pueblo ta paga Mike Eman su debe cu e unico medida cu Gabinete Wever-Croes a bin cune, e BAVP, e impuesto di crisis, pasobra Mike Eman a laga nos den un crisis financiero grandi.

Pero, pronto esaki tambe lo

pasa pa pasado, e BAVP hunto cu Partido AVP lo wordo elimina y pueblo lo sinti e alivio atrobe di un Aruba di prosperidad. Cu pasenshi, Gobierno di Aruba ta logra drecha e situacion financiero di nos pais, no pa Mike Eman y su Partido bin dañá atrobe, sino pa entrega e pais aki na nos yunanan sin cu nan tin mester di preocupa cu tin un debe riba nan cabezas. Tur Gobierno cu a sinta, lo mester a busca manera pa paga pasobra Mike Eman solamente a crea e debe, e no a crea e manera pa paga e debe. Ta e Gobierno di Evelyn Wever-Croes ta creando e solucion pa paga e debe di Mike Eman, sin Pakete di medida y mas ainda, sin locura.

Benny Nisbet (PPA):

‘Ora bo no tin e solucion medico bo mester haci hopi na proteccion di salud’

ORANJESTAD - Cu gran atencion PPA por a sigui un reunion informativo di parlamento unda a wordo trata e ‘coronavirus/ pandemia’ y su posibel consecucionan. Naturalmente e meta di e reunion aki tabata pa gobierno representa pa Ministro D. Oduber y conseheronan/ specialistanan di nan preparacion y pa nos miembronan di parlamento lo por a haci diferente pregunta relaciona cu preocupacionnan di nan den number di pueblo.

Segun cu e reunion aki tabata desaroya su mes PPA tabata puntra nos mes di con ningun miembro di parlamento a referi na diferente grupo delicado den nos comunidad. Ciertu momento tanto miembro di parlamento sr. H. Tevreden (MEP) como miembro di parlamento sra. Jenifer Reyes a referi na e grupo mas delicado segun informacion internacional cu ta drenta esta esnan di 60 aña y mas.

PPA ta contento cu a trece e grupo aki y e preparacion den centro di e discusion sin embargo PPA no a keda mucho contento cu e contestanan duna.

E reunion aki tabata un oportunidad pa bay mas profundo

den e materia y muestra e preparacion esta e reglanan of protocolnan cu lo conta pa TUR centro cu ta cuida nos grandinan.

Ta bon conoci cu e casnan di anciano aki na Aruba esta varios di nan no ta cumpli cu e reglanan y e calidad di higiena etc. pa nan por ricibi nan permiso oficial.

Mas motibo ainda pa pone cierto regla fuerte riba papel (den protocol!) cu lo conta pa e casnan di anciano aki.

PPA ta desea di bay mas profundo den esaki”

A stipula regla cu lo cuestiona bishitante na e casnan di anciano si nan a biaha ultimo pa exterior etc. ??

A stipula regla cu si un famia of Amistad tin tosamento, griep, keintura actualmente cu lo ta miho pa No bishita un cas di anciano por lo pronto??

A stipula regla cu lo inicia cu ‘screening medico’ ora cu nos grandinan ta ricibi bishita ??

A stipula eventualmente den protocol cu lo limita acceso of entrada di bishitante na e casnan di anciano si esaki bira necesario ??

A stipula den regla/protocol cu eventualmente den caso severo lo por yega na un ‘lockdown’ pa proteha salud di nos grandinan? (kizas co-

cooning ?)

Y como un eventual ‘lockdown’ lo por ta hopi duro pa nos grandinan a regla cu lo tin e comunicacion necesario garantis cu famia y amistad por yama nan famia den e cas di anciano y cu e comunicacion aki lo ta posibel na tur momento.

Kico ta e maneho pa nos grandinan en general PPA ta cita: ‘Cocooning groups of people who are most vulnerable to coronavirus?’ PPA ta splica People in case homes and others who are less likely to survive the disease maybe kept apart from the wider population until immunity has being established.

No kabe duda cu tin otro grupo delicado den nos comunidad manera nos muchanan pero tambe e pashentnan cu ta bou tratamiento na Hospital como na nan propio cas y ta wordo cuida pa diferente instancia den nos comunidad.....PPA ta spera cu gobierno a tuma contacto cu e instancianan aki y a palabra cierto regla pa e periodo nos dilanti!

Ayudo di Hulanda?

Den un articulo cu PPA a manda prensa siman pasa PPA a haci pregunta publico na gobierno si nan a tene cuenta cu por haci uso di nos Statuut pa dirigi peticion pa



ayudo Hulandes den cuadro di e crisis aki.

Grandi tabata nos sorpresa ora nos a comprende escuchando e reunion di parlamento cu nan ta pensa pa haci un peticion na Hulanda basa riba articulo 23 di e Ley di LAft.

Tene cuenta cu e ley di LAft a caduca na December 2018 y no tin base legal !!

E relacion cu ta wordo usa pa cu e laso financiero ta e ‘protocol di november 2018 cu Min Pres Evelyn Wever Croes a firma cu Hulanda.

PPA ta di opinion cu e fundeshi constitucional mas fuerte pa gobierno y/of parlamento por haci un peti-

cion na gobierno Hulandes ta keda nos Statuut pa Reino Hulandes y tin un capitulo dedica na cooperacion entre e paisnan y na unda e paisnan por haci peticion na Madre Patria pa ayudo ora den un crisis esaki ta necesario.

PPA no tin duda cu basa riba nos Statuut Gobierno di Reino mester scucha y duna ayudo na gobierno di Aruba.

Sperando cu e articulo aki lo wordo mira como un contribucion di PPA na e situacion di crisis rond di e ‘coronavirus’ cu ta hungando un rol serio tanto riba tereno di salud publico como economico den e periodo nos dilanti.

Parlamentario Jennifer Arends-Reyes (AVP):

‘Presupuesto 2020 mester ta inaceptabel pa Parlamento cu un surplus di 46 miyon’



ORANJESTAD - segun sra Arends-Reyes nos ta bibando momentonan sumamente preocupante pa cu e situacion mundial tocante e efectonan desastroso causa dor di e virus di COVID-19.

Nos ta wak con paisnan cercano y cu relacion cu Aruba ta bayendo den un situacion di calamidad caminda tur cos ta cera, scolnan, tiendanan, misa, tin paro di biahe y con personanan ta keda infecta na gran escala. Mientras cu gobierno di Aruba a caba di cualifica e situacion como un crisis cu ta afecta Aruba, su pilar economico y tambe riesgo pa e salud di su poblacion, e presupuesto cu gobierno di Mep-Por-Red a

presenta na Parlamento y ta forsendo pa pasa den e dianan venidero no ta cuadra cu e realidad y necesidad di e pueblo di Aruba. Con por ta posibel cu nos ta den diferente crisis y un di nan ta con nos lo maneha e efecto di un pandemia riba un isla turistico door di manca y corta 1/3 parti di nos presupuesto di mercadeo pa maneha y atrae turista pa Aruba?

Gobierno di Aruba ta exigiendo 35 miyon florin awo, memey di un crisis, emergencia mundial pa realisa bunita cifra pa tene Hulanda contento y scapa un KB. Corda cu Gobierno di Mep-Por-Red a pidi y haya tur sorto di plaso y dispensacion di Hulanda caba pa por ‘goberna’

den e supuesto ‘crisis’ cu AVP a laga atras, mientras a aumenta tur su gastonan. Ta poco dia ey a sali un comunicado cu pueblo ta paga 1 miyon pa siman na proyecto, realidad tambe ta cu gobierno ta rancando 5 miyon pa siman di pueblo su cartera y e suma aki ta bai bira mas. Y awo cu tin un crisis y tin necesidad urgente di tal bes un flexibilisacion den palabracion pa cu e situacion mundial y economico ya a uza tur e cartanan caba y ta obliga di pidi pueblo su ultimo depchinan pa muestra ‘character’. Asina ki ta dificil pa kere den e lema cu ‘ser humano ta central’ sra Arends-Reyes ta termina bisando.

Minister Xiomara Maduro a presencia presentacion di pelicula 'Patroon'



ORANJESTAD - Diabierna anochi Ministerio di Cultura tabata anfitrión di e pelicula 'Patroon' di e hoben Arubiano talentoso Mario Gonsalves na Crystal Theater.

Durante e anochi aki Mario Gonsalves cu ta productor di e 'short film' aki hunto cu su amigonan Valentino Angela y Aldair Pieters a conta mas di e produccion di e pelicula y e tema cu ta wordo treci dilanti den e pelicula 'Patroon'.

E hobennan aki a bini Aruba riba invitacion di Ministerio di Cultura y ATA pa bin presenta e 'short film' 'Patroon' na Aruba.

'Patroon' a gana e premio di 'Beste afstudeer Project' di Gemeente Utrecht den e categoria 'Artistieke Presentatie'. Minister Maduro a hiba un discurso den cual ela gradici e hobennan talentoso y a splica e meta di e patrocinio, pa brinda tarima na talento local pa sirbi como inspiracion pa otro hoben, trahando asina un fundeshi pa por yega na facilita e industria creativo na Aruba. E mandatario a felicita e hobennan cu nan tremendo produccion.



Royal Aurora
Funeral Home & Crematory

Señor ta mi wardador, mi tin falta di nada
Den cunucu di yerba berde e ta ponemi
sosega.

E ta hibami na awa trankil,
Pa mi bolbe haña forsa
Salmo: 23

Nos ta anuncia fayecimento di:



Jesus Emanuel Flanegin
*10-05-1956 - 09-03-2020

Acto di entierro lo wordo anuncia despues.



Ban cu legria na cas di Señor!
Ki legria, ora nan a bisa mi:
"Laga nos ban cas di Señor!"
Y awor ata nos aki
Para na bo portanan, Señor.
Salmo 122

A fayece cristianamente:



Pedro Celestino Figaroa
Mihor conoci como: "Peti" of
"Meneer Figaroa"
*19-05-1955 - †06-03-2020

Esposa: Marieta Figaroa-Dijkhoff
Yiu: Guillaume Figaroa
Rumannan: Ria y Ety Croes y famia
Ivan Figaroa
Selma y Miguel Nava y famia
Tanta: Juana y Chemmy
Semerel-Semeleer y famia
Swa y cuñanan:
Sira y Jan Tromp y famia
†Alberto Dijkhoff y Anna Dijkhoff-Semeleer y famia
Dora y Isaias Hernandez y famia
Lena y Rafael Jansen y famia
Milda y Jullian Weller y famia
Filomena Croes-Dijkhoff y †Franklin Croes y famia
Deta y Frido Maduro y famia
Oslin y Maria Dijkhoff y famia
Elvira Trimon-Dijkhoff y †Chimbo Trimon y famia
Fanchi y Milly Dijkhoff y famia
Ester y Renny Odor y famia
Marlin Dijkhoff y famia

Sobrino y sobrinanan, primo y primanan: Figaroa, Dijkhoff, Semerel, Semeleer, Croes, Nava, Tromp, Hernandez, Jansen, Weller, Maduro, Kelly, Trimon, De Cuba, Odor

Oportunidad pa condolencia: 11 di maart 2020 na Aurora Funeral Home di 7'or pa 9'or di anochi.

Ta invita pa e acto di entierro cu lo tuma lugar diahuebs 12 di maart 2020 di 9'or pa 11'or di mainta na Aurora Funeral Home, despues ta sali pa Santana catolico na Noord



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haba forza.
Salmo: 23

Nos ta anuncia fayecimento di:



Sr. Evaristo Ras
*26-10-1936 - †08-03-2020

Na nomber di su mayor nan
+ Jose Ras y + Bernolina Ras

Ruman nan
+ Virginia Ras y yui nan
+ Jacobo Ras
Maxima Ras
Marcelino Ras y casa
Carmen Ras y yui
Margaritha Bremono-Ras, casa y yui nan
Rosa Ras y yui nan
Delfina Kelly-Ras, casa y yui nan
Betico Ras, casa y yui nan
Brigida Ras y yui nan

Tanta: Ana Maria Raphael
Primo y prima nan

Trahador nan di Stichting S.A.B.A.
Palisiaweg

Demas famia nan:
Ras, Bremono, Kelly, Hernandis, Geerman, Henriquez, Raphael, de Cuba, Paskel, Farro y Croes.

Ta invita pa asisti na acto di entierro cu lo tuma lugar diabierna 13 di maart 2020 for di 9'or pa 11'or di mainta na Aurora Funeral Home despues pa santana catholico na Sta.Cruz.



"Señor a trata mi segun mi bon conducta, E'la recompensa mi pa mi mannan limpi, pasobra mi a sigi Señor su camindanan y mi no a peca bira lomba pa Dios. Tur Su decretonan m'a tene mi dilanti, nunca mi no a rechasa su mandamentonan."
Salmo 18:20-22

Cu profundo dolor na nos curason pero agradecido na Tata Dios di por a comparti tur e aña nan cu nos, nos ta anuncia cu a bay sosega den brasa di Señor, nos querida mama, wela, bisawela y ruman stima:



Sra.vda. Imelda Feliciano-Tromp
Mihor conoci como Meya
*29-09-1933 - †10-03-2020

Acto di entierro lo wordo anuncia despues.

Directiva di SIMAR ta anuncia
fayecimento di nos miembro



Mr. Pedro Celestino Figaroa

Directiva ta Extende su mas sentido pesame na su casa, yiu, su EX-coleganan di E.P.B. y demas famia.

"Dios duna forza y consuelo na su famianan den e dianan difícil aki."

Cu Pedro sosega na paz.





☐ **Si Dios ta pa nos, ken por ta contra nos** ☐
Rom. 8:31

**Cu honda pena pero conforme cu Dios su
boluntad nos ta anuncia fayecimento di nos
ser stima:**



Frederick Efraim Tromp
Mihor conoci como ☐ **Fray** ☐ **of** ☐ **Frey** ☐
***20-01-1957 - ☐08-03-2020**

Na number di su:

Casa: Swinda Tromp-Koolman

Mama: Isabel Tromp-Kelly

Tata: ☐Eligio Remigio Tromp

Yiunan: Jisse Tromp y famia

Karen Tromp y famia

Viviana Tromp y famia

Manera yiu: Sandrick y Fabiola Albus y famia

Nieto(a)nan: Andrew, Sarah, Oliver, Scarlet

Rumannan: Richard Tromp y famia

Edigio Tromp

Raquel Tromp y famia

Vivian Tromp y famia

Edson Tromp y famia

Lyane Tromp y Armino Costa y famia

Gareth Tromp

Swanan: ☐Nilo Chirino

Luis Koolman y famia

Mario Koolman y famia

Gerald Koolman y famia

Roland koolman

☐Carlos Koolman

Joseph Koolman

George Koolman y famia

Cuñanan: Betty Nissa y famia

Almira Koolman y famia

☐Richardina Koolman y famia

Maria Kelly y famia

Antonietta Boekhoudt y famia

☐Evelina Koolman y famia

Sobрино- y sobrina nan y famia

Tanta- y omo nan: Orpano Tromp y famia

Tina Lacle y famia

Maria Luyben y famia

Juan y Erla Tromp

Emilia Tromp y famia

Maria Maduro y famia

Pedro Kelly y famia

Rufina Tromp y famia

Ricardo (Cai) Winklaar y famia

**Comer y compernan, madrina y padrino, primo y
primanan y famia.**

**Famianan na Hulanda, Merca, Curaçao y demas
famia nan (mucho hopi pa menshona)**

Colega nan di ☐Fray Service☐ DOW, ex colega nan di
Excelsior Casino, Koningin Wilhelmina Fonds.

Bisiñanan y conocirnan

Bon bisiñanan: Leo y Mery

Bon amigo nan di cas: Kuwait y famia, Junior
Quandt y famia, Linda y Mark

Amiga: Sandra Tsu

Ayudantenan: Maite, Lola, Ivy

Dr. Joaquin van Trigt

**Ta invita pa acto di condolencia y despedida cual
lo tuma lugar diahuebs 12 di maart 2020 di 1 or pa
4 or di atardi na Misa Birgen di Fatima na Dakota.
Cremacion lo tuma lugar despues.**

**Enbes di krans of flor lo tin un box disponibel pa
donashon pa Koningin Wilhelmina Kankerfonds.
Nos disculpa si den nos tristesa por a lubida algun
famia of conocir.**

**Despues di despedida nos no ta ricibi bishita di
condolencia na cas.**



*Hesu a bisa ☐ami ta resurreccion y bida; esun cu
kere den Mi, lo biba asta si e muri☐ (Huan 11.25)*

Cu inmenso tristesa na nos curason pero conforme
cu boluntad di Dios nos ta participa cu a fayece
cristianamente nos mama, suegra, wela y bisawela
stima:



Sra. Florentina de Cuba-Brete
Mihor conoci como ☐**Flora**☐
***22-12-1936 – †09-03-2020**
Vuida di Sr. Antonio de Cuba.

Na number di su

Yiunan: Edna de Cuba y yiu

Jolanda y Fransisco Limonier-de Cuba

Mirna y Jossy Koolman-de Cuba

Mirto y Miriam de Cuba-Tromp

Eveline de Cuba

Wilfred y Mirla de Cuba-Tromp

Ilse y Aldrich Arendsz-de Cuba

Nietonan: Josmira y Cedric Gei,

Josmar Koolman y Rachell Semeleer

Jolitza Limonier,

Janine Limonier y Robert Tromp

Hildomar Limonier y yiunan

Milton de Cuba

Mirjenne de Cuba y Julio Jacobs

Mitchell y Dieunie de Cuba

Wilbert de Cuba

Mirlaine de Cuba y Kevin Simileer

Giandrick Arendsz y Sara Vrolijk

Marc Arendsz

Mescos cu nieto: Gabriel Boekhoudt

Bisanietonan: Jossy-Anne Gei, Kayley Wernet, Jayron Tromp,
Dayomar y Dayler Limonier, Jylan y Keithan

Jacobs

Emilienne de Cuba

Mama di su bisanietonan: Dajana Semeleer

Julissa Ras

Rumannan: †Reineta y †Pedro Boekhoudt y famia

†Bernadina y †Gerald Thode y famia

†Catalina y †Miguel Carasquero y famia

†Elizabeth Brete y famia

Swa y cunjanan: †Juan y †Monica de Cuba y famia

†Louis y †Christofera de Cuba y famia

†Mario y Theresita de Cuba y famia

†Hipolita y †Jose Tromp y famia

Zr Renata o.p.

Rosalinda de Cuba

Sobрино y sobrinanan, primo y primanan, ihanan, comer y
compernan,

Su bon bisiñanan Petra Boekhoudt y famia, Chito y Nena Odor.

Subrina jega na cas: Rosaria Carasquero.

De mas famia; Brete, de Cuba, Limonier, Koolman, Tromp,
Arendsz, Gei, Semeleer, Jacobs, Mardy, Ras, Simileer, Vrolijk,
Wernet, Boekhoudt, Thode, Carasquero, Everon, Webb, Oduber
y Kelly.

Ta invita tur famia, bisiña y conocirnan pa asisti na e acto di
entierro cu lo tuma lugar diasabra 14 di maart 2020 pa 11or
di mainta saliendo for di Misa Santa Filomena na Paradera y
despues pa Santana Catolico Pastoor Kranwinkel na Paradera.
Nos defunto stima lo ta reposa for di 9 or di mainta den Misa
Santa Filomena na Paradera.

Nos kier a pidi nos disculpa si den nos tristeza nos por a lubida
un of otro familiar.



Ponemi manera un seyo riba bo kurason, manera un seyo
riba bo brasa. Pasobra amor ta mas fuerte cu morto.
Cantares 8:6

Cu dolor na nos curazon, pero conforme cu boluntad di
Señor, nos ta anuncia fayecimento di nos ser stima:



Reinilia Yolanda Dirksz
Mihor conoci como “Nila”, “Nani”, “Mama”
***27-12-1947 - +07-03-2020**

Na number di:

Su Mayornan: +Silverio y +Maximina Dirksz-Wouters

Su Casa: Paulino “Polin” Croes

Su Yuinan: Mildred “Milly” y Juan Gomez-Croes

Myriam “Myam” Croes na Hulanda

Edith “Ditha” Croes

Ricardo “Dochi” Croes

Dilaida “Laida” Croes (Nieta)

Manera un Yui: Chelito y Wini Dirksz y yuinan

Su nieto/a nan:

Jarina Geerman y Maicol Peña

Gisberto Geerman y Suzen Thiel

Jordy Croes y Legna Rosales

Myrgene Croes na Hulanda

Stygian Croes na Hulanda

Troy Croes na Hulanda

Rose-Anne Wernet y William Fuentes

Angeliqah Villada

Ricardo Jr. Croes

Su Bisanieto/a nan:

Liam y Kian Peña

Giorino Geerman

Willvion, Xillvion y Xiarah Fuentes

Su rumannan stima:

Pedro y Sonia Dirksz y Famia

Clara y Thomas Dirksz y Famia

Demas rumannan: Perfilio “Buchi” y +Ana Dirksz y Famia

Maria y Ming Maduro

+Victoriana y Vicente Thiel y Famia

Eduardo “De” Dirksz y Famia

Rufina Dirksz y Famia

Su ex-nuero stima: Rito Geerman y Famia

Gregory Wernet y Famia

Su ex-nuero cu twt hibe tur caminda: Fransisco “Elvis” Tromp

Su cuña stima: Ana Werleman-Croes

Su bisiñanan stima: Ibi y Lourdes Tromp y Famia

Vivian Dijkhoff

Tur su nietonan di barío Jaburibari

Y demas sobрино/a nan, swanan, bisiñanan y conocirnan.

Demas Famia: Dirksz, Croes, Gomez, Geerman, Maduro, Thiel,
Wernet, Mackay, Peña, Greaux, Fuentes, Dirks, Werleman,
Villada, Herreira, Bello, Tromp, Ras.

Condoleer ta Diahuebs 12 Maart 2020 di 7-9pm Aurora Funeral
Home

Despedida ta Diabierna 13 Maart 2020 di 2-4pm y despues
Cremashon den Seno Familiar.

Despensa nos si nos por a lubida di menshona cualkier familiar
den e momentonan dificil aki.

Ta deseo di nos “mama” pa NO bisti color rouw pe sino color
Cora.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 11 Maart 2020 Anochi

CATACHI
Sorteo # 7032
5145
3140
2321
BIG 4
Sorteo # 6076
9114
1OFF
Sorteo # 781
7725
ZODIAC
Sorteo # 4835
2539
Aries
KORSOU
Sorteo # 2697
0516
3613
6555

LOTTO 5	06-14-16-19-29
Sorteo # 2082	Joker 12 Letter L
0 x Jackpot	
0 x Match 4+	
6 x Match 4	
183 x Afl. 12,00	500.000,-

LOTTO DIA	01-03-15-24-26
Sorteo # 5058	Proximo Jackpot
0 x Jackpot	
5 x Match 4	
123 x Afl. 8,00	53.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	330.000,-

MINI MEGA PLUS	Afl. 430.000,-
-----------------------	-----------------------



DIARIO 3668-0379-8075

SUPER 4 3312



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 11 Maart 2020 Merdia

CATACHI
Sorteo # 2854
8108
8158
6951
BIG 4
Sorteo # 2854
2016
1OFF
Sorteo # 910
8116
ZODIAC
Sorteo # 2854
0096
Taurus

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	480.000,-

LOTTO DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	52.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	330.000,-

MINI MEGA PLUS	Afl. 430.000,-
-----------------------	-----------------------



Aries

Haci e yamada telefonico ey. Den bo bida amoroso ta surgi un encuentro feliz. Number: 21, 26, 34 40.



Tauro

Lo bo haya loke bo tabata busca den un proceso di rectificacion di eror. Number: 20, 25, 33 39.



Geminis

Un cambio den bo bida amoroso? No haci pura, pensa un tiki mas. Sali for di e rutina, riba tur cos na ora di intimidad. Number: 19, 24, 32 38.



Cancer

Esaki lo ta un comienso nobo. Sigui bo ge-voel y perdona un fout. Lo bo biba un romance. Number: 18, 23, 31 37.



Leo

Actua di forma dicidido. Bo ta responsabel di bo propio bida. Si comete un fout, lo ta bo propio culpa. Number: 17, 22, 30 36.



Virgo

Lo bo haya un cambio den bo realidad. Bo ta den un coriente di conquista y amor. Number: 16, 21, 29 35.



Libra

Bo ta sali di un duda amoroso. No laga bo mes influencia pa un sentimento negativo. Number: 15, 20, 28 y 34.



Scorpio

Un les den amor. Siña di un experiencia. Modifica bo caracter. Siña di bo experiencia. Number: 14, 19, 27 33.



Sagitario

A pasa algo cu bo no a gusta? Papi, rasona y tuma accion. Actua cu tactica y inteligencia pa bo no ta den un triangulo amoroso. Number: 13, 18, 26 32.



Capricornio

Ta pasando algo inespera. E persona stima ey lo sigui cu bo. Tin cambianan favorabel cu lo yuda bo. Number: 12, 17, 25 31.



Aquario

Ta surgi un situacion nobo. Facilmente bo por wordo involvi den un situacion delicado den bo bida sentimental causa pa accionnan imprudente. Number: 23, 28, 36 44.



Pisces

Lo bo comete erornan si bo actua di un forma imprudente. Sigui bo curason y acudi na e luga ey cu bo ta pensando. Number: 22, 27, 35 43.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den Dificultad**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Dokter na warda



Oranjestad

Hospital
7:00 pm / 10:00 pm

San Nicolas

Dr. Wever
Imsan

Botica na warda

Oranjestad:

Dakota
Tel. 588 7364

San Nicolas:

Botica Aloë
Tel. 584 4606

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule Maart 2020

			ARR	DEPT	BERTH
TUE	10	FREEDOM OF THE SEAS	08.00	21.00	B
		MARELLA DISCOVERY 2	08.00	23.00	C
WED	11	MEIN SCHIFF 2	07.30	20.00	B
		ZUIDERDAM	13.00	23.00	C
		FREEWINDS	06.00	****	E
THU	12	CARNIVAL HORIZON	08.00	16.00	C
SUN	15	MS SEVEN SEAS EXPLORER	09.00	19.00	C
		FREEWINDS - DEPT.	****	23.15	E
TUE	17	CELEBRITY SUMMIT	08.00	17.00	B
		BRITANNIA	08.00	18.00	C
WED	18	MONARCH	07.30	15.30	C
		FREEWINDS	06.00	****	E

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	
107	
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	
913	
Seguridad Nacional	
11911	
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	
588-7364	
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	
583-8560	

UTILIDAD

Setar	117
Web	525-4600
Elmar	523-7147

Centrale Bank van Aruba Daily Exchange Rates - 03/11/2020



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.28	1.30	1.32
CHF	190.00	190.72	191.52
GBP	2.24	2.29	2.35
JPY	168.24	169.78	171.49
EUR	199.76	201.58	203.61
DKK	25.99	26.71	27.51
NOK	17.51	18.23	19.03
SEK	17.75	18.47	19.27

For amounts up to Afl. 100,000



Oportunidad unico pa subi te top di lighthouse

ORANJESTAD - Diaranson proximo 18 di maart 2020 nos faro, esta **California Lighthouse**, lo ta habri un biaha mas pa publico pa celebra Dia di Himno y Bandera.

Aki lo tin oportunidad unico pa grandi y chikito por subi den e faro y bay te na e top. Ariba por disfruta di un bista panoramico y unico. Por haya un bista den 360 grado rond di nos isla di Aruba. Algo excepcional pa por

experencia. Pa e dia special aki di Himno y Bandera tin un prijs special di solamente 5 florin pa tanto adulto como mucha. E faro lo ta habri for di 9'or di mainta te cu 7'or di anochi. Ta invita tur hende pa bin saca potret di e monumento aki cu a wordo construi entre 1914 y 1916. Pa mas informacion por subi riba e pagina di Facebook di California Lighthouse. Credito Fotografo: Wings Global Media Aruba

Bin celebra Dia di Himno y Bandera



pa muchanan 10:00am te cu 4:00pm. Nos tentnan di cuminda ta habri 11:45am. For di 1:00pm. Show Cultural ta cuminsa cu baile di Danza Aruba, presentacion di Cas di Musica Piedra Plat, Caha di Orgel etc. Henter pueblo di Aruba ta keda invita pa bin pasa un dia agradabel den un ambiente di famia na Centro Famia. Piedra Plat 50. (Net banda di veld di Britania)

ORANJESTAD - Fundacion Centro Famia ta invita bo pa bin celebra dia di Dia di Himno y Bandera.

Pa 8:30am apertura cu nos himno nacional canta pa Taminah Croes. Directamente despues nos tentnan di desayuno ta habri y vlooi-enmarkt.

Aruba Museum of Play tambe lo t'ey cu un Pop Up Children's Museum y lo cuminsa cu actividadnan



Caribbean Cinemas
PH VIP At Paseo Herencia 582-3693
PBP Palm Beach Plaza Mall 586.0074
caribbeancinemas.com
f Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

MARCH 12-18

AGRIPPINA
PBP SATURDAY, MARCH 14, 1:00PM

BLOODSHOT
VIN DIESEL | EIZA GONZÁLEZ
WITH SPANISH SUBTITLES
PH MON-THU 6:10 | 8:40
FRI 6:10 | 8:40 | 11:00
SAT 3:40 | 6:10 | 8:40 | 11:00
SUN 3:40 | 6:10 | 8:40
PBP MON-FRI 4:25 | 6:55 | 9:25
SAT-SUN 1:55 | 4:25 | 6:55 | 9:25

MY SPY
DAVE BAUTISTA | CHLOE COLEMAN
PH MON-THU 6:10 | 8:30
FRI 6:10 | 8:30 | 10:50
SAT 3:50 | 6:10 | 8:30 | 10:50
SUN 3:50 | 6:10 | 8:30
PBP MON-THU 5:10 | 7:30
FRI 5:10 | 7:30 | 10:00
SAT 2:50 | 5:10 | 7:30 | 10:00
SUN 2:50 | 5:10 | 7:30
PBP MON-FRI 4:40 | 7:00 | 9:20
SAT-SUN 2:20 | 4:40 | 7:00 | 9:20

I Still BELIEVE
BRITT ROBERTSON | K.J. APA
WITH SPANISH SUBTITLES
PH MON-THU 6:00 | 8:35
FRI 6:00 | 8:35 | 11:10
SAT 3:25 | 6:00 | 8:35 | 11:10
SUN 3:25 | 6:00 | 8:35
PBP MON-THU 3:55 | 6:30 | 9:05
FRI 3:55 | 6:30 | 9:05 | 11:35
SAT 1:20 | 3:55 | 6:30 | 9:05 | 11:35
SUN 1:20 | 3:55 | 6:30 | 9:05

ONWARD
Disney PIXAR
TOM HOLLAND | CHRIS PRATT
WITH SPANISH SUBTITLES
PH MON-THU 5:50 | 8:10
FRI 5:50 | 8:10 | 10:30
SAT 3:30 | 5:50 | 8:10 | 10:30
SUN 3:30 | 5:50 | 8:10
PBP MON-FRI 4:20 | 6:40 | 9:00
SAT-SUN 2:00 | 4:20 | 6:40 | 9:00

THE INVISIBLE MAN
ELISABETH MOSS | ALDIS HODGE
PH MON-THU 7:30
FRI 7:30 | 10:15
SAT 2:00 | 4:45 | 7:30 | 10:15
SUN 2:00 | 4:45 | 7:30
PBP MON-THU 3:55 | 6:35 | 9:15
FRI 3:55 | 6:35 | 9:15 | 11:20
SAT 1:15 | 3:55 | 6:35 | 9:15 | 11:20
SUN 1:15 | 3:55 | 6:35 | 9:15

SONIC THE HEDGEHOG
JAMES MARSDEN | JIM CARRÉY
WITH SPANISH SUBTITLES
PH MON-THU 6:00 | 8:20
FRI 6:00 | 8:20 | 10:40
SAT 3:40 | 6:00 | 8:20 | 10:40
SUN 3:40 | 6:00 | 8:20

BAD BOYS FOR LIFE
WILL SMITH | MARTIN LAWRENCE
WITH SPANISH SUBTITLES
PBP MON-SUN 9:10

OPENING MARCH 19: A QUIET PLACE PART II

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

Pronostico di Tempa

Tempo:
Parcialmente nubia cu un awasero breve

Temperatura maximo 32 grado Celsius temperatura minimo 27 grado Celsius

Bahada di solo : 6:50pm subida di solo : 6:49am.

Biento:
For di direccion generalmente oost y modera; forsa 3 te 4 (12 te 30 km/ora, 7 te 16 nudo). Den dia basta fuerte te fuerte den rafaga; forsa 5 te 6 (31 te 50 km/or, 17 te 27 nudo)

Situacion general di

tempo pa proximo 24 ora:

Humedad den e partinan mas abou di atmosfera ta suficiente pa pone un awasero breve desaroya principalmente den oranan di marduga y mainta trempa.

Condicionnan maritimo/ estado di lama:

Un estado di lama modera te localmente poco bruto na partinan Oost te noordwest, ta wordo spera pa proximo 24 ora. Olanan ta for di direccion oost- noordoost. Haltura di olanan lo ta di 4 te localmente 6 pia na partinan oost te noordwest; labad-



eranan modera for di noord ta bahando pero ainda por haci lama localmente poco bruto na costa.

Aviso/ alerta:

Un aviso pa boto chikito ta na vigor, pero lo wordo cancela mañan mainta 6'or. Sinembargo, ta pidi cautela ora ta nabega cu boto chikito riba lama habri, specialmente na partinan oost te noordwest di costa.

Audiencia ta mira Papa via livestream



ROME (AP) — Audiencia semanal a mira Papa Francisco den e privacidad di su biblioteca ayera, mientras Vaticano ta implementa medida drastico di Italia pa combati coronavirus.

Polis a prohibi publico general for di St. Peter's Square y Vaticano a tuma medida pa limita infeccion den e ciudad estado y mitiga e consecuen-

cianan economico pafo.

Francis a manda oracion special pa prisioneronan, enfermonan y e personal di hospital cu ta cuidando nan, entregando su les di catecismo semanal via livestream na luga di presentemente. E escena tabata algo surreal, mirando cu e motibo di un audiencia general – un tradicion bayendo bek na tempo di St. John XXIII – tabata pa

trece e papa den contacto cu publico general sikiera un bes pa siman.

Y bou circunstancianan normal, e encuentro di diaran son ta atrae decenas di miles di persona den St. Peter's Square of auditorium di Vaticano pa un les di catecismo di un ora, entrega den un variedad di idioma. Pero ayera, e square tabata bashi y polis a prohibi acceso na Basilica di St. Peter na cualkier persona excepto individuonan cu kier a resa.

Italia ta e epicentro Europeo di e brote, cu mas di 10mil caso positivo. Cu 631 morto, tasa di mortalidad di Italia ta mas di 6% - hopi mas halto cu otro pais. Oficialnan ta atribui e cantidad halto di morto na e poblacion bieu di Italia, e segundo poblacion

mas bieu di mundo despues di Hapon.

Vaticano a tuma liderazgo y a impone medida drastico pa contene e virus, despues cu un persona den Vatican City tabata infecta, otro cu a atende un conferencia na Vaticano a test positivo, y a pone cinco persona den cuarentena precaucionario. Cu 83 aña di edad y parti di un pulmon retira durante un malesa respiratorio den su hubentud, Francisco lo ta den riesgo halto pa complicacion si e haya e virus.

Vaticano a cancela reunion y conferencia, limita biahe entre su personal, y cera Museo di Vaticano pa publico – esencialmente cerando su principal fuente di entrada pa e futuro cercano. Ayera a bin e cancelacion pronostica di e

trip di Francisco na Indonesia, East Timor y Papua New Guinea e aña aki.

Ademas, Vaticano como un di e doño di propiedad mas grandi di Roma, diamars ultimo a afrece di reduci huur pa negoshinan experimentando problema.

Na final di e audiencia, Francisco a bisa: “Mi ta gradici di curason e personal di hospital, dokter, enfermero y voluntario. Den e momento dificil aki, nan ta cerca di esunnan cu ta sufriendo.”

Anteriormente, durante su Misa di mainta – celebra den priva pero via livestream – el a resa specialmente pa prisioneronan, despues cu mas di dos decena di disturbio a resulta den prison na Italia pa e virus.

Legisladonan Britanico ta reta gobierno tocante ‘riesgo halto’ di Huawei

LONDON (AP) — Prome Minister Britanico, Boris Johnson su gobierno Conservador apenas a derota un intento lidera pa algun di su propio legisladonan pa prohibi Huawei di China di construi parti di e red di telecomunicacion di velocidad halto di Reino Uni.

Tres decena di legislado Conservador a aproba un yamado pa prohibi companianan di ‘halto riesgo’, manera Huawei, di cualkier participacion den e red despues di 2022.

E movida, cu a bin den un amienda na un ley di telecomunicacion, a keda derota pa 306 voto contra 282 den House of Commons, unda e conservadornan tin un mayoria di 80 asiento. Alrededor di 36 Conservador a rebeldia.

Reino Uni a provoca rabia

cerca Merca na momento cu a anuncia na januari cu lo permiti Huawei suministra parti di su red celular di proximo generacion, conoci como 5G.

Merca a prohibi Huawei como un riesgo pa seguridad, bisando cu por duna gobierno Chines acceso na data, y a menasa di corta lasonan di inteligencia cu paisnan cu no haci mescos. Huawei ta nega cu China ta usa su ekipo pa spiona.

Gobierno di Johnson ta insisti cu por maneha cualkier riesgo cu Huawei presenta. Ta bisa cu por prohibi companianan di ‘riesgo halto’ manera Huawei pa suministra partinan sensitivo ‘central’ di e red nobo. Pero Reino Uni lo permiti proveedonan di riesgo halto pa suministra te cu 35% di e red di radio di menos riesgo di un proveedo.

E rebeldia Conservador ta aumenta presion riba gobierno pa limita e rol di Huawei na momento di introduci legislacion nobo riba seguridad di

telecomunicacion e aña aki.

Vice presidente di Huawei a bisa cu decision di gobierno Britanico ta ‘basa riba evi-

dencia’ y lo ‘resulta den infraestructura mas avansa, mas sigur y mas efectivo pa telecomunicacion’.



Homber Libanes ta declara su mes culpabel di viola ley di exportacion

MINNEAPOLIS (AP) — Un homber di nacionalidad Libanes, acusa di conspira pa exporta partinan di drone y tecnologia di Merca pa Hezbollah – cu tin sosten di Iran – na Libanon, a declara su mes culpabel di un cargo di conspiracion pa viola ley Mericano di exportacion.

Issam Hamade a declara su

mes culpabel dialuna den corte federal na Minnesota. Su ruman, Usama Hamade ta enfrenta cargonan similar y tambe ta acusa di traficacion.

Fiscal a bisa cu e rumannan a adkiri tecnologia sofistica pa drone for di 2009 te cu 2013 y ilegalmente a exporta esaki na Hezbollah, cu Merca ta considera un organisacion terrorista.

Issam Hamade ta enfrentando cinco aña den prizon na momento di sentencia proximo luna, pero fiscal tin plan pa pidi 30 luna segun un acuerdo. Abogadonan defensor di Hamade tin plan pa pidi pa tempo sirbi. Ta spera cu e lo ser deporta despues di sirbi su sentencia.

Prosecutors said the brothers acquired sophisticated tech-

nology for drones from 2009 to 2013 and illegally exported them to Hezbollah, which the U.S. considers a terrorist organization.

A aresta e rumannan na februari 2018 na Sur Africa y extradita nan na Merca herfst ultimo. Segun un documento di corte, e partinan a inclui unidad di midimento inertial, cual por usa pa track

posicion di un aeronave, y compas digital, cu por uni na e medidanan inertial pa sistema di guia di drone. E partinan tambe a inclui un motor di jet y 20 motor di piston.

E acuerdo ta bisa cu Hamade tabatin motibo pa kere cu e partinan y tecnologia tabata bayendo pa Siria, den violacion di ley Mericano di exportacion.

Ciere di frontera cu Venezuela prolonga 3 luna mas

ORANJESTAD - Gobierno di Aruba a prolonga e ciere di frontera entre Aruba y Venezuela, cu 3 luna mas. Na e momento ey lo dicidi si lo sigui prolonga e ciere y cu cuanto tempo.

E siman aki a tuma luga un reunion na Corsou cu delegacion di Aruba, Boneiro, Corsou y Venezuela, riba peticion di Hulanda y Venezuela, pa mira si tin posibilidad pa habri e frontera. Aruba ta cauteloso den esaki, y lo kier mira prome cu Venezuela mes ta atende cu e crisis den nan pais.

E ultimo prolongacion a vence dia 10 di maart, y Gobierno a prolonga esaki cu 3 luna mas, pa sigui monitoreo. Den e caso aki a tene cuenta tambe cu e riesgonan di e corona virus cu ta haci cu Gobierno mester ta mas cauteloso.

Gobierno di Aruba mientras tanto ta atendiendo cu e retonan cu e crisis Venezuela ta trece cune, retonan serio.

Na februari 2019, Venezuela a cera e frontera entre Venezuela, Aruba y Corsou. Dia 10 di mei 2019 Venezuela kier a habri frontera, pero cu Aruba so. Na e momento ey, Prome Minister Evelyn Wever-Croes a tuma e decision di cera e frontera entre Aruba y Venezuela. Inicialmente a cera e frontera cu un luna, y despues a prolonga e ciere cada bes cu dos of tres luna, pa asina sigui monitoreo e situacion.

Asilo

E procedura di asilo tambe ta un di e retonan, segun Premier Evelyn Wever-Croes, specialmente en bista di ultimo sucesonan di hendenan cu ta haci mal uso di e procedura di asilo. "Aki na Aruba



nos ta respeta autoridad y nos no ta acepta cu ningun hende ta burla di autoridad. Aki na Aruba nos ta respeta derecho

humano y nos no ta acepta cu ningun hende ta burla di e derecho di asilo. Esnan cu ta haci mal uso di e derecho di

asilo, lo mester carga e consecuencia", Premier Wever-Croes a duna di conoce.

Gobierno lo yuda combati efectonan di coronavirus

ORANJESTAD - Minister di Salubridad, Dangui Oduber, y Prome Minister Evelyn Wever-Croes durante conferencia di prensa a elabora riba e tema di COVID-19. E tema aki tin e preocupacion di Gobierno y tambe tin e atencion completo y constante.

Prome Minister a anuncia cu Gabinete Wever-Croes lo introduci un 'economic and innovation stimulus package' pa absolve e efectonan economico di Corona Virus.

Segun e comunicado cu nos a ricibi ta indica cu Gobierno

di Aruba a eleva e nivel di preparacion pa Corona Virus na un nivel di crisis cual ta awo den man di Gobierno. Prome Minister a enfatisa cu esaki no ta pasobra cu tin caso di Corona Virus na Aruba, esaki ta pa asina Gobierno por prepara miho posibel como tambe pa sigura cu tin fondonan

disponibel di e fondo di crisis pa asina atende cu esaki. Gobierno di Aruba ta trahando riba 3 plan di contingencia:

Salubridad: Esaki ta na encargo di Prome Minister y Minister di Salubridad. Gobierno di Aruba a eleva e nivel di preparacion pa Corona Virus na un nivel di crisis pa asina Gobierno por prepara miho posibel como tambe pa sigura cu tin fondonan disponibel di e fondo di crisis cu Gobierno a establece na 2018, pa asina atende cu esaki.

Turismo: E plan di contingencia aki ta pa compensa den caso si nota un caida di turismo. ATA, APA y AAA, dirigi pa Minister di Salubridad, ta trahando riba diferente escenario y e plan di contingencia pa atende cu e eventualidad si nota cu e cantidad di bishitante baha. ATA tin un fondo di emergencia pa cu esaki.

Economico: E plan di contingencia aki ta cay directamente bou di Minister President, Evelyn Wever-Croes. Si cantidad di turismo baha, esaki por tambe afecta nos economia, hustamente na momento crucial na unda cu Gobierno ta purbando pa rebiba nos economia. Riba proposicion di Prome Minister, Consejo di Minister a tuma e decision diabierna ultimo pa pone mas atencion den inversionnan economico

y bin cu e "Economic and Innovation Stimulus Package". Gobierno kier ofrece ayudo na empresanan chikito y mediano y empleadonan cu haya nan mes den problema financiero door di Corona Virus. E prome fase lo ta pa accelera e solicitudnan di inversionnan cu ya a wordo entrega sin cu e burocracia ta un obstaculo.

Gobierno ta spera asina cu por mantene economia ta draai, particularmente pa sigui duna trabou na esnan cu ta perde trabou. Tambe Gobierno lo establece un fondo economico y di innovacion pa apoya financieramente e empresanan. E cantidad cu lo inverti den e fondo aki ta depende di varios factor. Importante ta pa Presupuesto 2020 cu pronto lo wordo trata den Parlamento, wordo aproba.

Banda di esaki, Gobierno ta solicitando fondonan di organisacionnan internacional cu ta pone fondonan disponibel pa situacionnan asina. Cu e fondo aki y e plan di emergencia cu actualmente ta wordo traha riba dje, Aruba lo ta un di e prome paisnan miho prepara den nos region den e area aki. Esaki ta posibel danki na e hecho cu pa prome biaha den hopi aña, Aruba tin un surplus den nos presupuesto.





NA MAART 2020, DOS CUENTA DI AWA TA CADUCA. PAKICO?

TERMINO DI PAGO 30 DIA

Cu introduccion di e sistema nobo di factura y paga, e termino di pago di e cuenta di awa awor ta 30 dia. Pa haci e transicion, e cuentanan di consumo di januari y februari lo caduca na maart 2020.



E cuenta pa consumo di januari ainda tin e termino di pago di ± 50 dia. E cuenta ta caduca dia 9 di maart 2020.



E cuenta pa consumo di februari tin e termino di pago di 30 dia. E ultimo fecha di pago ta cay riba un dia entre 9 y 31 di maart 2020 y ta diferente pa cada cliente.

ANTES

AWOR

UNDA MI POR WAK MI ULTIMO FECHA DI PAGO?

E ultimo fecha di pago di e cuenta di awa ta cambia tur luna pa cada cliente. Tin **dos** manera facil pa haña sa cua ta bo ultimo fecha di pago.

1 Wak tur luna riba bo cuenta di awa, ariba na banda drechi.



2 Bishita WEBCare na www.webaruba.com, yena bo nomber, number di percela y e luna di cuenta concerni y ricibi bo ultimo dia di pago.